

摘藻堂四庫全書薈要

集部

欽定四庫全書薈要

集部

徐孝穆集卷四

詳校官原任編修臣徐立綱



欽定四庫全書薈要卷一萬三千五百三十三

集部

徐孝穆集卷四

陳徐陵撰

吳江吳兆宜註



序

玉臺新詠序

晉陸機塘上行發藻玉臺下注玉臺以喻婦人之貞

凌雲概日由余之所未窺

海錄碎事凌雲臺魏文帝黃初二年築入燕昭王好神仙

仙人甘宙與王登握日之臺史記秦本紀戎王使由余來聘穆公示以宮室引之登三休之臺顧樵曰周書

宣帝既滅北齊詔曰偽齊或穿池運石為山學海或層臺累構概日凌雲

萬石千門張衡之

所曾賦

張衡西京賦開庭說異門千戶萬

周王璧臺之上

穆天子傳盛姬盛柏之子

也天子賜之上姬之長是曰盛門

漢帝金屋之中

漢武故事

帝為膠東王年數歲長公主問曰兒欲得婦否曰玉樹欲得指阿嬌好否帝曰若得阿嬌當作金屋貯之

玉樹

以珊瑚作枝珠簾以玳瑁為柙

漢武故事上起神屋前庭植玉樹以珊瑚為枝

碧玉為葉花子青赤以珠玉為之空其中如小鈴鎗鎗有聲又以白珠為簾玳瑁柙之

其中有麗

人焉其人也五陵豪族

見為王儀同表

充選掖庭

後漢皇后紀論漢法常因

八月算民遣中大夫與掖庭丞及相工於洛陽鄉中閱視良家童女年十三以上二十以下姿色端麗合法相者載還

四姓良家

北史魏文帝宏雅重門族以范陽盧敏清河崔宗伯滎陽鄭羲太原王瓊

後宮

四姓衣冠所推咸納其女以充後宮樵曰後漢書明帝時外戚樊氏郭氏殷氏馬氏是為四姓小侯非列侯

故曰馳名永巷史記范雎傳雎見昭王佯為不知永巷而入其中正義曰永巷宮中獄名也宮

中有長巷故名亦有潁川新市晉書明穆庾皇后潁川鄢陵人后美姿儀後漢

書光烈陰皇后南陽新野人帝常歎河間觀津三輔黃

曰娶妻當得陰麗華按新市未詳圖列仙

傳曰鈎弋夫人姓趙氏河間人右手鈎卷姿色佳麗武帝反其手得玉鈎而手展漢外戚傳孝文竇皇后家在

清河親早卒葬觀津師本號嬌娥未詳按左思嬌女詩

古曰觀津清河之縣也左家有嬌女皎皎頗

白曾名巧笑中華古今注段巧笑魏文帝宮人始作紫粉拂面楚王宮內無不

推其細腰後漢馬廖傳楚王好細腰宮中多餓死魏國佳人俱言訝其纖

手

詩魏風摻摻女手可以縫裳

閱詩敦禮非直東鄰之自媒

宋玉登徒子好

色賦臣東家之子嫣然一笑惑陽城迷下蔡然此女登

牆闕臣三年至今未許也樵曰司馬相如美人賦臣

之東鄰有一女子雲髮豐豔蛾眉皓齒欲留臣

而共止登垣而望臣三年於茲矣臣棄而不許婉約風

流無異西施之被教

越絕書美人宮周五百七十步土城者陸門二水門一今北壇利里

邱土城句踐所習教美女西施

弟兄協律自小學歌

答

鄭旦宮臺也女出於苧蘿山

長孺少長河陽由來能舞

漢五行志成帝為微行出遊常與富平侯張放俱稱富平

侯家人過河陽主作樂

琵琶新曲無待石崇

晉石崇王明君辭序

見舞者赴飛燕而幸之

昔公主嫁烏孫令琵琶馬上作樂以慰其道路之思

其送明君亦爾也其造新曲多哀怨之聲故序之

箜

篴雜引非因曹植

漢書塞南越禱祠太乙后土使樂人侯調作坎侯樂府有曹植篴引

傳鼓瑟於楊家

漢楊惲傳惲報孫會宗書曰家本秦也能為秦聲婦趙女也雅善鼓瑟

得

吹簫於秦女

列仙傳簫史者秦穆公時人善吹簫能致孔雀白鵠穆公女弄玉好之公乃妻焉共

隨風去

至若寵聞長樂陳后知而不平

漢武故事建章長樂宮皆輦道相屬

懸棟飛閣不由行各

樹穀曰漢書衛子夫為平陽主

謳者帝被霸上還過平陽主既飲謳者進帝獨悅子夫

帝起更衣子夫侍尚衣軒中得幸還坐驪甚主因奏子夫送入宮陳皇后聞子夫得幸幾死者數焉後遂立為

皇后畫出天仙閼氏覽而遙妒

桓譚新論陳平為高帝解平城之圍言漢有好麗美

女為道其容貌天下無有今困急已馳使歸迎取欲進與單于單于見此人必大好愛之愛之則閼氏日以遠

疎不如及其未到令漢得脫去去亦不持女來
矣閼氏婦女有妒妬之性必憎惡而事去之

且如東

鄰巧笑來侍寢於更衣

注見上

西子微顰將橫陳於甲帳

莊子師金曰西施病心而顰其里之醜人見而美之歸
亦捧心而顰其里之富人見之堅閉門而不出貧人見
之挈妻子而去之走司馬相如好色賦花容自獻玉體
橫陳漢武故事以琉璃珠玉明月夜光雜錯天下珍寶

為甲帳其次為乙帳

陪遊馭娑騁纖腰於結風

關中記建章宮

中有馭娑殿拾遺記每輕風至飛燕殆欲隨風入水帝
以翠纓結飛燕之裾樹穀曰傅毅舞賦序激楚結風

陽阿之舞

長樂駕鶯奏新聲於度曲

見雜曲

妝鳴蟬之薄鬢

中

古今注魏文帝宮人絕所愛者有莫瓊樹
始制為蟬鬢望之縹緲如蟬翼故曰蟬鬢
照墮馬之垂

鬟

後漢梁冀傳冀妻孫壽色美而善為妖態作愁眉啼妝墮馬髻折腰步顰齒笑以為媚惑

反插金

鈿

龍輔女紅餘志魏文帝陳巧笑挽髻別無首飾惟用圓頂金簪一隻插之文帝目曰玄雲黯靄今金星出

吳筠詩蓮花銜青雀寶粟鈿金蟲

橫抽寶樹

後漢輿服志皇后步搖以黃金為山題貫白珠為桂

枝相繆一爵九華

南都石黛

梁書天監中詔宮中作白妝青黛眉樵曰留青日記廣東始興縣

溪中出石墨婦女取以畫眉名畫眉石

最發雙蛾

古今注魏宮人好畫長眉令作蛾眉驚鵲髻

北地燕脂

古今注紂以紅藍花汁凝作燕脂以燕國所生故曰燕脂塗之作桃花妝

偏開兩

靨

曹植洛神賦靨輔承權注靨笑靨權頰也

亦有嶺上仙童分丸魏帝

顏脩內傳

橋順二子曰璋曰瑞師事仙人盧子基於隆慮山棲霞谷服飛龍藥一九千年不饑故魏文帝詩曰西山一何

高高高殊無極上有兩仙童不饑亦不食與我腰中寶
一丸藥光耀有五色服藥兩三日身輕生羽翼

鳳授歷軒轅

漢律歷志黃帝使伶倫取竹嶰谷制十二
簫以聽鳳之鳴其雄鳴為六雌鳴亦六以

比黃鍾之宮

樵曰漢書注鳳鳥氏為歷正軒
轅黃帝受河圖作甲子歲紀甲寅日記甲子

金星與

婺女爭華麝月共嫦娥競爽

顧野王詩妝罷金星出晉
杜預曰婺女為已嫁之女

織女為處女梁簡文帝詩約黃能效月裁金巧作星張
正見豔歌行裁金作小靨散麝起微黃酉陽雜俎近代
妝尚靨如射月曰黃星靨靨鈿之名蓋自孫吳鄧夫人
也王充論衡羿請不死藥於西王母羿妻嫦娥竊以奔

月樵曰史記婺女四星天

少府也主布帛裁製嫁娶

驚鸞冶袖時飄韓掾之香

北堂書鈔袁宏賦云舞迴鸞以紆袖世說韓壽美姿容
賈充辟以為掾充女於青瑣中見壽悅之與之道充見

女盛自拂拭又聞壽有異香之氣是外國所貢一著人
衣歷月不歇充疑壽與女通取左右婢考問之婢以狀
言充祕之飛燕長裾宜結陳王之佩
西京雜記趙飛燕
立為皇后其弟合

德上遺織成裾陳思王植洛神賦
願誠素之先達兮解玉佩以要之
雖非圖畫入甘泉而

不分漢外戚傳李夫人少而早卒武
帝憐閔焉圖畫其形於甘泉宮
言異神仙戲陽臺

而無別宋玉高唐賦昔者先王嘗遊高唐怠而晝寢夢
見一婦人曰妾巫山之女也為高唐之客聞君

遊高唐願薦枕席王因幸之去而辭曰妾在巫山之陽
高丘之岨旦為朝雲暮為行雨朝朝暮暮陽臺之下

真可謂傾國傾城見雜曲
無對無雙者也
古詩為焦仲卿
妻作精妙世無

雙
加以天情開朗逸思雕華妙解文章尤工詩賦琉璃

硯匣終日隨身

陸機書在平原常案行曹公器物書刀五枚琉璃筆一枝

翡翠筆牀

無時離手

藝文類聚傳玄曰漢末一筆之匣綴以隋珠文以翡翠樹萱錄南朝呼筆管為牀

清

文滿篋非惟芍藥之花

此傳統妻芍藥花頌暉暉芍藥植此前庭晨潤甘露晝晞陽靈采

武帝宛轉歌欲題芍藥詩不成

新製連篇寧止蒲萄之樹

未詳

九日登高

時有緣情之作萬年公主非無誄德之辭

魏文帝與鍾繇九日送菊

書九為陽數而日月並應俗嘉其名以為宜於長久故以享宴高會陸機文賦詩緣情而綺靡晉書武帝左貴嬪諱芬思之妹也少好學善綴文名亞於思常作菊花頌曰英英麗質稟氣靈和春茂翠葉秋耀金華及帝女萬年公主薨帝痛悼不已詔芬為誄其佳麗也如彼其才情也如此既而

椒房宛轉

漢官儀皇后所居殿曰椒房以椒和泥塗壁故名溫暖而香辟除惡氣又取蕃實之義

柘館陰岑

漢書班婕妤好賦痛陽祿與柘館分仍襁褓而離災炯曰三輔黃圖柘觀在上林苑絳

鶴晨嚴

江總集為陳六宮謝表鶴篇晨啓

銅蠡

一作鋪

畫靜

未詳按孟子以追蠡漢趙

岐注追鐘鈕也鈕磨齧處深矣蠡欲絕之貌也

三星未夕不事懷衾

詩嘒彼小星三五在

東又抱衾與襦

五日猶賒誰能理曲

初學記漢律吏五日得一沐言休息以洗沐也

樹屏曰枚乘雜詩當戶理清曲樵曰詩五日為期

優游少託

古逸詩孔子去魯歌曰蓋優哉游哉

聊以卒歲

寂莫多閒

漢揚雄傳京師為之語曰惟寂莫自投閣

厭長樂之疎鐘

見謝

敕賜啓黃圖鐘室在長樂中

樵曰三輔

勞中宮之緩箭

見與楊僕射書

輕身無力

怯南陽之擣衣

庾仲雍荊州記秭歸縣有屈原宅女須廟擣衣石猶存

一婦擣衣

生長深宮笑扶風之織錦

臧榮緒晉書竇滔妻蘇氏善屬文苻

寄遠人

堅時滔為秦州刺史被徙流沙蘇氏思之織錦為迴文詩寄滔循環宛轉以讀之辭甚悽惋

雖復投

壺玉女

神異經東王公與玉女投壺臬而脫悞不接者天為之笑開口流光今電是也

為歡盡

於百駢

西京雜記郭舍人善投壺以竹為矢激矢令還一矢百餘反謂之為駢

爭博齊姬

未詳按晉胡貴嬪傳貴嬪諱芳奮之女也武帝嘗與擣蒲爭矢遂傷上指帝怒曰此固將種也

心賞窮

於六箸

鮑宏博塞經各投六箸行六基故用博陸用十二基六基白六基黑所擲骰謂之瓊瓊有五彩

色故謂之五塞

樹聲曰國策蘇秦說秦王曰臨淄甚富而實其民無不鬪雞走狗六博闔鞠說文六博局戲

也六箸十二
基烏冑所作

無怡神於暇景惟屬意於新詩可得代彼

萱蘇微蠲愁疾

魏王朗與魏太子書萱草忘憂畢蘇釋勞無以加也

但往世名篇

當今巧製分諸麟閣

三輔黃圖麒麟閣在未央宮左漢蕭何建以藏祕書

散在鴻

都

後漢蔡邕傳邕對曰鴻都篇賦之文可且消息樵曰後漢書光和元年置鴻都門學

不藉篇

章無由披覽於是然脂暝寫

魏志劉馥傳夜然脂照城外樹提伽經庶人然脂諸

侯然蜜天子然漆

弄墨晨書撰錄豔歌凡為十卷曾無參於雅

頌亦靡濫於風人涇渭之間若斯而已

三秦記涇水出開頭山至高陵

縣而入渭與渭水合流三百里清濁不相雜

於是麗以金箱

北史齊衡陽王鈞嘗手自細書

五經置

巾箱中

裝之寶軸

隋牛弘集請開獻書表劉裕平姚收其圖籍五經子史纔四千卷皆赤軸

青紙文

字古拙

三臺妙迹龍伸蠖屈之書

漢官儀尚書為中臺謁者為外臺御史為

憲臺謂之

存身也

三臺繫辭尺蠖之屈以求伸也龍蛇之蟄以

中工八分篆草世以書聖稱

以比龍蠖蟄啓伸槃腹行

五色花箋河北膠東之紙

鄴中記石虎詔書以五色紙著鳳皇口中令銜之飛下

端門桓玄偽事詔平淮作青赤縹綠桃花紙使極精令

連作

高樓紅粉

古詩盈盈樓上女皎皎當窗牖娥娥紅粉妝纖纖出素手

仍定魯魚

之文

花朴子書字之譌有

辟惡生香

魚卷典略芸臺香辟紙魚蠹故藏書

臺稱

聊防羽陵之蠹

穆天子傳仲秋甲戌天子東遊次雀梁因蠹書於羽陵

靈飛

六甲高擅王函

漢武內傳帝受西王母真形六甲靈飛十二事帝盛以黃金凡封以白玉函

鴻烈仙方長推丹枕

博物志劉德治淮南王獄得枕中鴻寶祕書及子向咸而奇之信黃

白之術可成謂神仙之道可

至如青牛帳裏

錄異傳武都郡立大

致按鴻烈解今淮南子是

特祠是大梓牛神也

餘曲未終朱鳥窗前

博物志王母降於九華殿

今俗畫青牛障是

王母索七桃以五枚與帝母食二枚時東方朔竊從殿

南廂朱鳥牖中窺母母謂帝曰此窺牖小兒常三來盜

我桃

新妝已竟方當開茲縹帙

後漢楊厚傳厚祖父春誠子統曰吾緇衣中有先祖

所傳祕記為漢家用爾其脩之晉中經簿

散此縉繩

劉向

盛書用阜縹囊布裏書函中皆有香囊

別錄孫子書以殺

永對玩於書帷

漢董仲舒傳孝景時為博士下帷講誦

青簡編以縹絲繩

長循環於纖手豈如鄧學春秋儒者之功難習

未詳按後漢書

明德馬皇后好讀春秋

竇傳黃老金丹之術不成

漢書竇皇后景帝母也好黃帝

老子之言帝反諸竇不得不讀老子皆遵其術

固勝西

蜀豪家託情窮於魯殿

尚瑗曰蜀志劉琰為車騎將軍車服飲食號為侈靡侍婢數十

能為聲樂悉教誦讀魯靈光殿賦

東儲甲觀流詠止於洞簫

漢成帝記元帝在太

子宮生甲觀畫堂為世嫡皇孫樹本曰漢王褒傳元帝為太子嘉褒所為洞簫頌令後宮貴人左右皆誦讀

之嬖彼諸姬

詩嬖彼諸姬聊與之謀

聊同棄日

晉陶潛戒子書見賢思齊不宜忽略

以棄日也

猗與彤管

詩靜女其嬖貽我彤管

麗以香奩

碑

司空徐州刺史侯安都德政碑

巖巖天柱大矣周山之峯

見與陳司空書

桓桓地軸壯哉崑崙

之阜

博物志崑崙山北地轉下三十六百里有八玄幽都方二十萬里地下有四柱四柱廣十萬里地有

三千六百軸犬牙相舉

三光懸而不墜

見勸進表

九土鎮以無疆

張衡思玄

賦思九土之殊風

承乾合德之君則天體元之后所以並咨四

鎮

辭典帝曰

咸建五臣

見論語

業配蒼祇

爾雅春為蒼天楊泉物理論地

者其神曰祇

功成寓縣

北宮曰謝朓詩霸功興寓縣

至於流名雅頌著美

風詩年代悠然寂寥無紀其能繼茲歌詠者司空侯使

君乎自文昭武穆

見勸進表

胙土開家

左傳象仲曰胙之土而命之氏易開國承

家濮水盛其衣簪榮波分其緒秩

衛康叔世家周公旦以成王命封康叔為

衛君居河淇間故殷墟夷王命衛為侯嗣君五年更貶號曰君獨有濮陽朝於魏魏世家安邑近秦於是徙治

大梁無忌謂魏王曰決榮

仁義之道夷門美於大梁

信陵

澤水灌大梁大梁必亡

君傳魏有隱士曰侯嬴為大梁夷門監者公子欲厚遺

之不肯受曰臣脩身潔行數十年決不以監門困故而

受公儒雅之風司徒重於強漢

後漢侯霸傳霸明習故事收錄遺文每春下寬

大之詔奉四時之令皆霸所建也建武中為大司徒

自通人許劭託命於江湖

後漢

書許劭有高名好覈論鄉黨人物每月輒更其品題故汝南俗有月旦評焉或勸之仕對曰方今小人道長王室將亂我欲避地淮海以全老幼乃南到廣陵徐州刺史陶謙禮之甚厚劭不自安復投揚州刺史劉繇及孫策平吳劭與繇南奔豫章而卒

高士袁忠寄身於交越

後漢書袁忠閔弟也初平中為

沛相及天下大亂棄官客會稽上虞俱違建安之難

後漢

書獻帝興平二年三月李傕脅帝幸其營焚宮室郭汜攻李傕矢及御前明年正月改元建安獨處衡

山之陽

盛弘之荊州記衡山者五岳之南岳也至於軒轅乃以潛霍之山為其副焉本傳安都字成師

始興曲江人也為郡著姓**祖天資秀傑世載雄豪卓富擬於公侯**

史記

貨殖傳秦破趙遷卓氏之蜀即鐵山鼓鑄運籌算傾滇蜀之民田池射獵之樂擬於人君**班倬必於**

旌鼓

漢書班壹避地於樓煩致馬牛羊數千羣以財父雄邊出入戈獵旌旗鼓吹年百餘歲以壽終

光祿大夫

南史本傳父捍少仕州郡以忠謹稱安都貴為光祿大夫始興內史

邑里開通

德之門

後漢鄭玄傳國相孔融深敬於玄告高密縣為玄廣開門衢令容高車號通德門

州鄉

無抗禮之客

漢竇嬰傳每朝議大事列侯莫敢與亢禮

自茫茫禹迹

左傳虞人之歲

曰茫茫禹跡畫為九州

赫赫宗周

見詩

家滅驪戎國亡夷羿

見與王僧辯書

我高祖武皇帝迎河圖於浪泊

見為陳武帝書

括地象於炎州

楚辭嘉南州之炎德按括地志書名也曰河圖括地象緯書名也見後漢曹褒傳

齔

南興涿鹿

之師北問共工之罪

五帝本記黃帝與蚩尤戰於涿鹿之野遂禽殺蚩尤人舜流共工於

幽陵以
變北狄

天生宰輔堯年致白虎之祥

帝王世紀扶始以季秋下旬夢白帝

遺馬祖而升丘見白虎其上
有感已而生臯陶於曲阜

神賜英賢殷帝感蒼龍之

傑

天官書東宮蒼龍有尾箕星莊子傳說得之以
相武丁奄有天下乘東維騎箕尾而比於列星

公亦

觀時佇聖嘯咤風雲跪開黃石之書

見諫罷道書

高詠玄池

之野

穆天子傳天子西征至於玄池天子三日
休於玄池之上乃奏廣樂而歸是曰樂池

沈吟梁

甫自比管仲之才

見與王僧辯書

惆悵葦郊久負伊生之歎

見與

宗室書南史安都工隸書能鼓
琴涉獵書傳為五言詩頗清靡

自羯虜侵華羣蠻縱軼

後臯桂部之地

陳書武帝紀高州刺史李遷仕據大臯
又大寶元年帝發始興次大庾嶺大破

路養

四戰五達之郊

韓世家樂間曰趙四戰之國其民習兵不可伐詳與宗室書

郡

境賢豪將謀禦難長者僉論推公主盟義士雄民星羅

霧集

張協賦幕布星羅揚雄封事霧集雨散

公既膺五聘

殷本紀伊尹處士湯使人聘迎

之五反然後肯往

方啓六韜

小學紺珠文武龍虎豹犬為六韜

率是驍徒仍開

嶺嶠

南史本傳從武帝攻蔡路養破李遷仕克平侯景並力戰有功封富川縣子

自大討瀟

湘晉漢春秋氏池縣大柳谷口有蒼石立水中其文曰大討曹楚地記巴陵瀟湘之淵在九江之間今岳州

巴陵縣即楚之巴陵漢之下雋也南史陳武帝受禪王琳立梁永嘉王蕭莊於郢州

同茲樊

鄴會樊

鄴商也見漢書

下軍違命

左傳晉侯伐秦荀偃令曰雞鳴而駕塞井夷竈唯余馬首是瞻樂壓曰晉

國之命未有是也余馬首欲東乃歸下

上策不宣

漢英布傳

薛公對曰布反不足怪也使布出於上計山東非漢之有也出於中計勝負之數未可知也出於下計陛下安

枕而臥矣

敗我王師受拘勁盜大陳格於文祖咸秩具神

見書

率土依風羣靈稟朔公亦忠為令德

左傳君子曰忠為令德

天纂

之謀吳帳斯開

漢袁盎傳吳王濞反盎使吳見守從史飲醉西南陬卒乃以刀決帳遁從醉卒

直出衛門無擁

左傳吳人藩衛侯之舍

雖復季孫還魯

左傳昭公十三年晉人執

季孫韓宣子使叔魚歸季

隨武濟河

見與王僧辯書

國慶民安

相儔匪若即授使持節開府儀同三司丹陽尹

通考凡前代帝

王所都皆曰尹注
南朝曰丹陽尹

昔光武不尤於馮異穆公深禮於孟

明終報王官之師遂舉咸陽之地

後漢書馮異收散卒設伏與赤眉戰大敗

之於崤底降璽書勞異曰始雖垂翅回谿終能奮翼
池可謂失之東隅收之桑榆赤眉降異威行關中左傳
秦伯伐晉濟河焚舟取王官及郊遂自茅津濟封殽尸而還遂霸西戎用孟明也
斯乃聖主之

宏略而名臣之遠圖者焉

本傳安都與周文育西討王琳文育亦自豫章至時兩將

俱行不相統攝因部下交爭稍不平王琳至弇口安都
乃悉眾往沌口以禦之合戰安都等敗與周文育徐敬
成並為琳囚總以一長鎖繫之置於舫下令宦者王子
晉掌視之安都等許賂子晉乃還都自劾詔並赦之復
其官爵尋為丹陽尹後王琳入齊安都討琳餘黨所向皆下
皇帝以陶唐啓國致玉

版於河宗

帝王世紀堯帥諸侯羣臣沈璧於洛河受圖書穆天子傳天子授河宗璧河宗伯天受璧

西向沈璧於河再拜稽首

顓頊承家佐金天於江水

帝王世紀少昊金天氏降居江

水顓頊生十年而佐少昊二十而登帝位

經綸草昧定鼎之業居多

左傳王孫滿曰

成王定鼎於郊鄆

締構權輿斷鼇之功相半

見與楊僕射書樹聲曰陳文帝紀

武帝之討王僧辯也先召帝與謀時僧辯壻杜龕據吳興武帝密令帝還長城立柵備之龕遣將杜泰掩至帝部分益明及武帝遣周文育討龕帝遣將軍劉澄蔣元舉攻下龕周文育侯安都敗於沌口武帝詔帝入總軍政尋命率兵城南皖固以英聲馳於海外信義感於寰中主器攸

歸繫辭主器者莫若長子

當璧斯在

見勸進表

公於是抗表長信

漢霍光傳

衛太子孫號皇曾孫在民間咸稱述焉光與丞相敞清
等上奏皇太后詔曰可是為孝宣皇帝詳謝賚賜朕清

宮未央

漢文帝紀使太僕嬰東牟侯興居先清宮奉
天子法駕迎代邸皇帝即日夕入未央宮

從

億兆以歸心引公卿而定策馳輕軒於軫轡

見與王奉
太尉書

奉

侍駕於中都七廟之基於焉永固

書七世之廟
可以觀德

萬邦之

本由此克寧

書民惟邦本本固邦寧本傳太后以衡陽
王故未肯下令安都按劔上殿白太后出

璽又手解文帝髮推就喪次仍別奉
中旨迎衡陽獻王昌中流而殺之

乃復進公司空南

徐州刺史於是鎮之以清靜

漢曹參傳載其
清靜民以寧壹

安之以惠

和後漢左雄傳疏曰守相長吏惠和有顯效者
和可就增秩勿使移徙非父母喪不得去官

望杏敦

耕

月令杏花
生種百穀

瞻蒲勸穡

呂氏春秋冬至五旬七日菑始
生菑者草之先者也於是始耕

室歌千耦

詩十千
維耦

家喜萬鍾

見孟
子

陌上成陰

樂府題有
陌上桑

桑中可詠

詩期我
乎桑中

春鷓始嘯

說文黃鷓倉庚
也鳴即鷓生

必具籠筐

晉儀禮志皇后親蠶公主及諸命
婦皆步搖衣青各載筐鉤從蠶

秋蟀載吟

月令注引
俚諺蜻蛉

鳴衣裘成蟋
蟀鳴嬾婦驚

競鳴機杼或肅拜靈祀

晏子齊大旱公召
羣臣問以祠靈山

躬瞻舞雩

周官司巫若國大
旱則率巫而舞雩

去駕擁於風塵還旌阻於

飄沐京坻歲積非勞楚堰之泉

詩如坻如京一統志芍
陂在鳳陽府即安豐塘

也乃楚相孫
叔敖所築

倉廩年豐無用秦渠之水

漢溝洫志韓欲
疲秦使鄭國說

秦令鑿涇水秦覺之國曰臣為韓延數歲雖復東過小
之命為秦建萬世之功遂成之名鄭國渠

縣夏雨逐其輕輪

後漢書百里嵩為徐州刺史境內旱嵩行部車所經甘雨輒降

南渡

滄江秋濤弭其張蓋

枚乘七發將以八月之望觀濤乎廣陵之曲江波湧而濤起其始起

也洪淋淋焉若白鷺之下翔其少進也浩浩澶澶如素車白馬帷蓋之張

固不得同年而語

矣若夫聽采民訟昏曉必通召引軒櫺躬親辯決立受

符於前案

未詳按漢酷吏傳左馮翊缺上欲徵嚴延年符已發為其名酷復止

無留諾於

後曹

北堂書鈔魏孟康為弘農太守事無留諾曰漢蕭育傳育為茂陵令扶風名詣後曹以職事

樹穀

對育曰蕭育杜陵男子何詣曹也

接務高城之中非異甘棠之下

燕世家召

公巡行鄉邑有棠樹決獄政事其下欣欣美俗濟濟都塵以賈琮郭賀之

風後漢書冀州刺史賈琮舊制傳車驂駕垂赤帷裳琮曰刺史當廣視遠聽糾察美惡豈可垂帷裳以自蔽

乎命御者寡之郡縣聞風震悚又荊州刺史郭賀多異政明帝賜以三公冕旒敕行部去檐帷露冕使百姓見其容服行建武永平之化范蔚宗明帝紀論後之言事於

是州民散騎常侍王瑒等南史王瑒字子瑛梁元帝時位太子中庶子陳武帝入輔

以為司徒左長史拜表宮闕請揚茲美化樹彼高碑民欲天從

語見書允膺絲誥銘曰

鬱鬱三象茫茫九州見綿天滲漉司馬相如封禪文滋液滲漉決地

虔劉赫矣高祖爰清國讎元勲佐命力牧封侯

帝王世紀黃帝

得風后於海隅登以為相得力牧於大澤進以為將本傳武帝謀襲王僧辯惟與安都定計徐嗣徽任約等引齊寇至安都屢破之以功進爵為侯亦既旋歸拜家有暉宮亭蠡浦舊翅

高飛

本傳復其官爵出為南豫州刺史攻王琳將曹慶常愛眾安都自宮亭湖出松門躡愛眾後破之餘

眾悉平

炯曰荊州記宮亭湖即

電卷勁寇風行國威

彭蠡澤也

謂之彭澤湖一名匯澤

吳張紘傳注引吳書曰紘

文身被髮

穀梁傳吳祝髮文身

作貢來

述策平定三郡風行草偃

綏我皇纂武攀號東序

顧命東序西嚮

謁渭同周

齊世家西伯將出獵卜之

曰所獲非龍非鸞非虎非羆所獲霸王之輔果遇太公於渭之陽

迎門惟呂

書顧命成王崩碑爰

齊侯呂伋以二千戈虎賁百人逆子劉於南門之外本
傳還軍至南皖而武帝崩安都隨文帝還朝乃與羣臣

議翼奉

流矢為暴

天官書項羽拔

欃槍斯舉

爾雅彗星為欃槍

文帝

慄慄蒼黎

老子聖人在上天下慄慄為天

危危刀俎

見與

楊僕射書

自我徂征妖氛克平爰驅犬豕實翦長鯨

見勸進表北

震巢浦南俘灌城

侯瑱傳以瑱為都督侯安都等並隸馬王琳引合肥淝湖之衆舳艫相次

而下合戰琳軍少却本傳留異擁據東陽安都躬自接戰為流矢所中血流至踝乘輿麾軍屬夏潦水漲安都引船入堰樓艦與異城等異奔晉安虜其妻子振旅而歸仍還本鎮吏人表請立碑詔許之

青羗卷

介赤狄回兵

見勸進表

蹈舞難喻歌謠靡宣

班固東都賦下舞上歌蹈德詠

仁曰我黎庶俱祈上玄

揚雄甘泉賦惟漢十世將郊上玄

山移兩越

見

王僧智書

海變三田

見與楊僕射書

公為上相復倍斯年

廣州刺史歐陽頎德政碑

弱水導其洪源軒臺表其增殖

山海經昆侖之邱有弱水之川環之又西王母

之山有軒轅臺懿哉少府師儲皇於二京

漢儒林傳歐陽生字和伯千乘人也至曾

孫高子陽為博士高孫地餘長賓以太子中庶子授太子後為博士論石渠元帝即位地餘侍中貴幸至少府

地理志千乘郡屬青州

盛矣司徒傳儒宗於九世

後漢歐陽歆傳歆字正思樂安

千乘人也自歐陽生傳伏生尚書至歆八世皆為博士學為儒宗世祖即位為河南尹建武六年拜揚州牧八

年徵為大司徒

廣陵邕邕族擅江右

詳未

渤海赫赫名重洛陽

晉書

歐陽建字堅石世為冀方右族擅名北州時人為之語曰渤海赫赫歐陽堅石厯山陽令尚書郎馮翊太守

若夫岳鎮龍蟠

周官荆山之鎮山曰衡山詳勸進表

星懸鶉火

左傳味為鶉火注鶉

火南方柳星也

衡山誕其高德湘水降其清輝千仞孤標

晉書裴頠

曰和嶠森森如千丈松

萬頃無度

後漢郭泰傳泰曰叔度汪汪若千萬頃陂澄之不清混之不濁

年當小學

曲禮人生十年曰幼學

志冠成童

內則成童舞象

因孝為心欲

仁成體

本傳顧字靖世長沙臨湘人也為郡豪族少質直有思理以言行著於嶺表

屯騎府

君早棄榮祿易簪之日

桓弓曾子寢疾病元起易簪

幾將毀終

禮記毀不

滅性不以
死傷生也

不杖之言

喪服小記庶子不以杖即位

深非通制遺賢巨

萬富擬猗頓

漢貨殖傳猗頓用鹽起與王者埒富

裁變槐榆並賑宗戚

南次大麓

舜典納于大麓注麓山足也

北眺清湘得性於橘洲之間

寰宇記橘洲在長沙縣西南四里江中時有大水洲披渚皆沒此洲獨存湘中記諺曰昭潭無底橘洲浮

書於杏壇之上

莊子漁父篇孔子遊乎淄帷之林休坐乎杏壇之上弟子讀書孔子絃歌鼓琴

三冬文史

見讓左僕射表

五經縱橫

見與宗室書

頻致嘉招確乎難

拔

本傳父喪哀毀甚至家產累積悉讓諸兄廬於麓山寺傍專精習業博通經史

既而帝啓黃

樞神亡赤伏

見讓表

天地崩霄山冢沸騰

詩百川沸騰山冢萃崩羣

悍酋豪更為禍亂朝披羽檄

漢書高祖曰吾以羽檄召天下

夜照燿烽

晉天文志軒轅西四星曰燿燿者烽火之神也

浴鐵蔽於山原

晉建武故事王敦死秘不發喪

賊皆重鎧浴鐵

擬金駭於樓堞

司馬相如子虛賦擬金鼓吹鳴籟

公疲兵屢出

獨據胡牀

曹瞞傳操與馬超戰超等掩至操恚猶坐胡牀未起

勅賊重圍尚憑書

几

九州春秋孔融為北海太守為袁譚所攻流矢雨集融凭几安坐

揚灰既散

論衡楊璇為零

陵太守時桂陽賊起璇乃置馬車數十乘以囊盛石灰於車上及會戰從風揚灰向賊遂大破之

駕棒

將揮

抱朴子吳遣將軍討山賊賊中有善禁者每交戰官軍刀刃皆不得拔將軍乃多作勁木白楮擊之

禁不得行咸克凶渠以保衡服

本傳梁左衛將軍蘭欽少與顧善故顧常隨欽

征討南征夷獠禽陳文徽所獲不可勝計獻大銅鼓累代所無願預其功時湘衡界五十餘洞不賓救衡州刺

史韋瓘討之瓘委顧為都督悉皆平殄

常以二主蒙塵

見荅王太尉書

三光掩曜

班固典引經緯乾坤出入三光注三光日月星也

出入逾於嘗膽

吳越春秋越王念復吳仇

愁心苦志懸膽於戶出入嘗之

殷憂獨其撫心

漢酷吏傳大將軍光因舉手自撫心曰使我至

今病悽

不治第宅深符去病

漢霍去病傳上為治第令視之對曰匈奴不滅無以家為

也

志梟羣醜彌同越石

晉書劉琨字越石與親故書曰吾枕戈待旦志梟逆虜

自

禹圭既錫

見勸進表

堯王已傳

帝王世紀堯賜舜以昭華之王

物變謳謠風

移笙管商周之際孤竹尚其哀歌

伯夷傳武王已平殷亂天下宗周伯夷叔

齊義不食周粟隱於首陽山
采薇而食之及餓且死作歌
曹劉之間蘇子猶其狂哭

魏蘇則傳則字文師扶風武功人也則及臨留侯植聞

魏氏代漢皆發服悲哭本傳侯景構逆粲自解還都征

景以顏監衡州及陳武帝入援都顏乃深自結託遷顏

為始興內史元帝承制以始興郡為東衡州以顏為刺

史況番禺連帥實謂宗枝迷我天機目窺梁鼎以公威

名本重逼統前軍乾數難違剥象終悔高祖永言惟舊

彌念奇功即訓皇家深宏朝紀檻車才至

見移文

輿櫬已

焚

左傳許男面縛銜璧大夫哀經士輿櫬楚子問諸逢伯對曰昔武王克商微子啓如是武王親釋其縛受

其璧而被之焚其櫬祝史妖於夷吾

左傳晉侯改葬共太子秋狐突適下

國遇太子太子使登僕而告之曰夷吾無禮余得請於
帝矣將以晉畀秦秦將祀余對曰臣聞之神不歆非類
民不祀非族君祀母乃殄乎且民何罪失刑之祀君其
圖之君曰諾吾將復請七日新城西偏將有巫者而見
我焉許之遂不見及期而往告壇場延於井伯左傳晉
之曰帝許我罰有罪矣赦於韓執虞公
及井伯以媵秦穆姬本傳蕭勃在廣州顧委贄於勃及
勃度嶺出南康以顧為前軍都督周文育破禽之送於
武帝釋綢繆安樂造次訐謀爰珥豐貂允光金螭漢書
而禮之

置散騎又置中常侍漢因之皆銀瑤附蟬
為文貂尾為飾謂之貂瑤殤帝改施金瑤但八桂之上

山海經桂林有蠻夷不賓九疑之陽山海經南方蒼梧之丘蒼梧之川其

中有九疑山在長沙零陵界
兵凶歲積以公昔在衡臯深留夙愛仁

恩可以懷猛獸

後漢童恢傳恢琅邪姑幕人少仕州郡為吏民常為虎害乃捕二虎恢咒虎曰

若殺人者當垂頭伏罪自知非者當號呼稱冤一虎低頭閉目即時殺之二虎視恢鳴吼即時解釋吏人為之

歌頌威名可以懼啼兒南史劉胡傳胡為越騎校尉蠻畏之小兒啼語云胡來即止乃

授持節散騎常侍

本傳不載

衡州刺史

本傳蕭勃元後嶺南亂頗有聲南土且與

武帝有舊乃授安南將軍衡州刺史封始興縣侯

我皇帝從唐侯以胤國

見勸進表

屈啟筮而承家

漢文帝紀高后崩大臣遂使人迎代王代王卜之占曰大橫庚庚余為天王夏

啓以光

一恭寶祚開定江沔三改璇衡芑羅湘峽昔中宗

屈申於處仲

晉書王敦字處仲元帝永昌元年三月敦據石頭擁兵不朝帝遣使謂敦曰公若不

忘本朝於此息兵則天下尚可共安如其不然朕當歸琅邪以避賢路按元帝廟號中宗高祖遺恨

於平城

見玉臺新詠序

漢武承基方通沙塞

漢衛青傳大將軍青凡七出擊匈奴

晉明紹運裁平姑孰

晉書明帝太寧元年四月敦謀篡位自武昌移鎮姑孰二年六月加

司徒王導大都督揚州刺史督諸軍討敦敦復反秋七月至江寧帝親征破之敦死衆潰

方其盛業

綽有光前踐祚之初進公位征南將軍

本傳文帝即位進號

廣州

刺史又都督東衡州

本傳作交廣等隋書揚州南海郡始興縣注齊曰正階梁改名焉又

置安遠郡置東衡州

二十

本傳作十九

州諸軍事宜公乃務是民天

漢書

酈食其曰民以食為天

敦其分地火耕水耨

貨殖傳楚越之地地廣人稀飯稻羹魚或

火耕而水耨

彌亘原野盜賊皆偃工賈競臻鬻米商鹽盈衢

滿肆新垣既築外戶無扃

禮運故外戶而不閉

脂脯豪家鐘鼎為樂

見與

王僧辯書

揚袂灑汗振雨流風

蘇秦傳臨菑之塗舉袂成幕揮汗成雨

市有千

金之租

漢高五王傳主父偃言齊臨菑十萬戶市租千金

田多萬箱之詠

詩乃求萬

斯箱

僧釋慧義等來朝絳闕備啟丹誠乞於大路康莊式

刊豐琰庶樊卿寶鼎復述台司之功

後漢竇憲傳南單于於漠北遺憲古

鼎其傍銘曰仲山甫鼎潛夫論

仲山甫姓樊謚穆仲封於南陽

羊叟高碑更紀征南之

德

晉書加羊祜征南大將軍詳與李那書

於是跪開黃素

揚雄答劉歆書天下上計孝廉

及內郡街卒會者常把三寸弱
翰齋油素四尺以問其異語

爰登紫泥

西京雜記漢以武都紫泥

為璽室

鑒此誠祈皆如所奏乃詔庸臣為其銘曰

赫赫宗陳桓桓鼎臣千乘建學五典攸因

書慎徽五典五典克從

盛德斯遠公門日新崇高維岳貺甫生申

詩維嶽降神生甫及申

去衡移廣遷征自鎮攸攸銅畧

疑作畧見與章司空書

藐藐金鄰

左思吳都賦金鄰象郡之渠注夫南之外有金鄰國去夫南可二千餘里土地出銀

莫遠非督無

思不實三江靡浪

見移文

五嶺奚塵

見與章司空書

式歌式舞

詩雖

無德與汝式歌且舞

仁哉至仁公其饗福於萬斯春

晉陵太守王勵

本傳作勸

德政碑

樹屏曰本傳勸字公齊侯景之亂奔

江陵歷位晉陵太守時兵饑之後郡中凋弊勸為政清簡吏人便安之大建元年累遷尚書右僕射時東境大水以勸為晉陵太守在郡甚有威惠郡人表請立碑頌勸政德詔許之

若夫睢陵世傳已詳載德之華徐州先賢亦著清風之

美偉哉文獻光啓中興

晉書王祥傳祥字休徵琅邪臨沂人漢諫議大夫吉之後也歷

官司空轉太尉加侍中五等建封睢陵侯邑一千六百戶祥弟覽子裁裁子導字茂弘元帝過江導歷位至丞相輔相三世及薨詔喪葬參用天子之禮謚曰文獻樹聲曰國語祭公謀父曰我先王不窋奕世載德

吳

世標曰後漢王良傳良字仲子東海蘭陵人也王莽時
不仕建武三年徵拜諫議大夫六年代宣秉為大司徒
司直在位恭儉妻子不入官舍布被瓦器范曄論當世
咨其清人君高其節隋地理志東海郡屬徐州琅邪郡
屬徐州

郭莖表其深源

見為貞陽侯書

何籌慙其遠慶

後漢何敞傳敞六世

祖比干為汝陰縣獄吏決曹掾平活數千人有老嫗謂
曰公有陰德今天錫君策以廣公之子孫因出懷中符
策凡九百九十枚子

宣惟桓氏之鳴玉

范曄論桓氏自榮至典父子兄

弟代為帝師國語
趙簡子鳴玉以相

張家之珥貂

漢書張安世子孫相繼為侍中中常侍諸曹散

騎列校尉者凡十
餘人詳歐陽頤碑

袁姓之朱衣

後漢袁安傳安道逢二書生指一處云葬此地

當世為上公
故累世隆盛

楊宗之革轂

漢楊惲傳惲家方隆盛時乘朱輪者十人

又有飲

飛遮列

漢百官公卿表飲飛掌弋射有九丞兩尉

班弓夾門

後漢班超傳悉持弓弩夾門而

伏

濯龍俯望

後漢馬皇后紀太后詔曰前過濯龍門上見外家問起居者車如流水馬如游龍百

官志有濯龍監一人

緹騎盈道

漢官曰執金吾緹騎二百人環濟要略司隸出從緹騎

奕世

如此何其盛哉

南史勸祖份累遷尚書左僕射父琳位司徒左長史兄銓衛尉卿錫累遷吏部

郎中僉太子中庶子通尚書右僕射弟質歷位侍中固遷潯陽太守

君以藍田美玉

三秦記藍

田出美玉吳志諸葛恪少有才名孫權奇之曰藍田美玉真不虛也

大海明珠

曹植贈丁翼詩大國

多良材譬海出明珠

灼灼美其聲

闕

英英照其符彩丰神雅澹識

量寬和既有崔琰之鬚眉

魏書崔琰聲資高暢眉目疎朗鬚長四尺甚有威重朝士

瞻望太祖非無鄭玄之腰帶

後漢書鄭玄身長八尺飲酒一斛秀眉明目容儀溫

偉爛爛若高巖下雷騷騷若長松裏風

世說裴令公目王安豐眼爛爛

如巖下電世目李元禮謾謾如勁松下風

勢利無擾於胸襟行藏不繫於懷

抱家門雍睦孝友為風上交不諂下交不瀆

見繫辭

脫貂

救厄情靡矜宏

未詳

釋馬窮途惟濟危殆

後漢廉范傳范遷蜀郡太守坐

法免歸鄉里肅宗崩范奔赴敬陵時廬江郡掾嚴麟奉章弔國俱會於路麟乘小車塗深馬死不能自進范見而愍命從騎下馬與之不告而去

至於網羅圖籍脂粉藝文學侶挹其

精微辭宗稱其妙絕

本傳勸美風儀博涉書史恬然清簡未嘗以利欲干懷

出為

仁武將軍晉陵太守

宋書南徐州刺史領晉陵太守吳時分吳郡無錫以西為毘陵晉東

海王越世子名毘永嘉五年帝改為晉陵

五雞二彘勤卹有方

漢龔遂傳遂為渤海太守

使民家養二母彘五母雞

問羊知馬鉤鉅兼設

漢書趙廣漢為京北尹善為鉤鉅以得事

情鉤鉅者設欲知馬價則先問狗已問羊又問牛然後及馬參伍其價以類相準則知馬之貴賤

濟北

移樹累政之所未治

未詳

汝南爭水連年之所無斷

汝南先賢

傳趙規為安陽令與朗陵黃萌爭水割指

一朝明決曾不留滯四民商販咸

用殷阜銘曰

康哉寶運美矣良臣渭自澧水源以洛濱公侯世及宰

輔相因曰我民秀山川降神風情穆穆孝友恂恂學則

經笥

後漢邊韶傳韶曰腹便便五經笥

文為世珍高風遠矣曠代難倫

鼎鉉虛職

易鼎玉鉉

台階未臻

晉書羊祜表曰恩詔拔臣使同台司注台司三公也安

知霜霰遽天松椿

莊子上古有大椿者以八千歲為春八千歲為秋

碣石斯表

民情既陳徒然下拜何報陽春

蔡邕獨斷春為少陽其氣始出生長

丹陽上庸路碑

在天成象咸池屬於五潢在地成形滄海環於四瀆

史記

天官書西宮咸池曰天五潢注元命包曰咸池主五穀其星五者各有所職樹本曰封禪書四瀆者江淮河

濟國險者固其金湯漢蒯通傳金城湯池不可攻也儲畜者因於轉漕

漢宣帝紀大司農中丞耿壽昌奏設常平倉以給北邊省轉漕貨財為禮曲禮貧者不以貨財為禮

專俟會通厥田為上書禹貢四海會同又徐州厥田惟上中皆資滲漉見

安都碑大矣哉坎德之為用也木華海賦曠哉坎德易坎為水是以握圖

之主財以利民御斗之君因之顯教揚雄長楊賦高祖奉命順斗極運天

關上哉少昊初命水官未詳左傳剡子曰共工氏遜矣以水紀故為水師而水名

高陽爰重冥職帝王世紀顓頊高陽氏以水事紀官祭法冥勤其官而水先舜為太

尉於是九澤載疏禹作司空然後百川咸導河圖曰舜以太尉即

位與三公臨河觀黃龍五采負圖出置舜前以黃玉為
桺白玉為檢黃金為繩紫芝為泥章曰天皇帝符璽
典伯禹作司空禹貢奠
高山大川又九澤既陂
開華山於高掌

述征記華山本一山巨靈所開

今睹手跡於華岳而
腳跡在首陽山下

鑿靈沼於周原

詩王在靈沼又周原膺膺

莫匪

神功皆由聖德我大梁之受天明命勞已濟民有道稱

皇無為曰帝

帝王世紀功合神者稱皇德合地者稱帝德合人者稱王

若夫雲雷草

創易雲雷屯又

翦商黜夏之勲

疑脫二句詩后稷之孫實維大王居岐之陽實

始翦商湯誥

鑄寶鼎於昆吾安能紀勒

後漢崔駰傳蔡邕銘論呂尚作

罪人黜服

周太師其功銘

陳鴻鐘於豐岳豈易揄揚

漢司馬相如賦撞鴻鐘山

海經：豐山有九鐘，注霜降則自鳴。
樹屏曰：班固《西都賦》：雍容揄揚。斯固名言所絕也。及

乎膺斯寶運，大拯橫流。
晉王尼傳：尼常歎曰：滄海橫流，處處不安也。屈至道

於汾陽，勞凝神於姑射。
莊子：至道之極，昏昏默默。又《用志不分，乃疑於神》。詳卷三。聖

人作樂，簫韶備以九成。
見《書》。詰王盡禮，周官總於三代。

見周禮。豈止金門桴竹？
玉泉記：立春之日，取宜陽金門山竹為管，河內葭草為灰，以候陽氣。

玉尺調鐘。
世說：荀勗善解音聲，遂正雅樂。阮咸妙賞時，謂神解每公會作樂而心謂之不調，勗意忌

之，遂出阮為始平太守，後有一田父耕於野，得周時玉尺，便是天下正尺。荀始以校己所治鐘鼓、金石、絲竹，皆

覺短一黍於公帶獻明堂之圖。
封禪書：濟南人公玉帶上黃帝時明堂圖，明堂

圖中有一殿四面無壁以茅蓋通水園宮垣為複道上有樓從西南入命曰昆侖天子從之以入以拜祠上帝

匡衡建后土之議

郊祀志匡衡以甘泉泰畤河東后土之祠宜可徙置長安願與羣臣議定

若斯而已矣天降丹鳥既序孝經

干寶搜神記孔子制孝經既成齋戒向北

辰而拜乃起白霧摩地赤虹自天而下化為黃玉上有刻字孔子跪受讀之

河出應龍乃私

周易

見勸進表

若夫固天將聖垂意藝文五色相宣八音繁

會

樂記五色成文而不亂注五聲配五行之色屈原九歌云五音紛兮繁會

不移漏刻

見與楊僕

射纔命口占

漢游俠傳陳遵為河南太守召善書吏十人於前治私書謝京師故人遵憑几口占

書吏且省官事書數百封

御紙風飛天章海溢皆紫庭

親疏各有意河南大驚

黃竹之辭

恭邕琴操周成王琴歌鳳皇翔兮紫庭余何德兮感靈穆天子傳王遊黃臺之丘時國中

大雪大凍王作黃竹歌三章以哀之

晨露卿雲之藻

呂氏春秋晨露湯歌也詳勸進表

之兩帝徒有詠歌

漢書高祖有大風歌漢武故事帝作秋風辭

魏之三祖空

云詩賦

沈約謝靈運傳論曹氏基命三祖陳王盛高麗藻

以為彭老之教終沒

愛河

昇玄經漂流愛河流吹欲海

儒會之宗方離火宅

見與李那書

豈知

五詩八會之殊文

未詳復菴和尚華嚴論贊龍樹菩薩入龍宮看藏得華嚴下本回歸西土

傳到此方者乃八十卷經三十九品品分七處九會

天上人中之妙典

優闍王作佛形像經

若生天上天中最勝乃至得作六欲天王於六天中尊貴第一

雪山羅漢爭造論門

燈傳

錄雪山五百仙人飛空而至阿難為說法

鷲嶺名僧俱傳經藏

見與李那書

香象

之力特所未勝

雜寶藏經過去久遠比提醯國王有大香象以香象力摧伏迦尸王軍華嚴經

現有菩薩名曰香象與其眷屬諸菩薩中三千人俱常在其中而演說法

秋兔之毫書而莫

盡

西京雜記天子筆管以錯寶為跗毛皆以秋兔之毫

忠信為寶

家語孔子息駕於河梁有懸水

三十仞圍流九十里有一丈夫方將厲之曰始吾之入也先以忠信及吾之出也又從以忠信所以能入而復出也

禱祈免於白駒

漢溝洫志武帝用事萬里沙磧還自臨決河湛白馬玉壁令羣臣從官自

將軍以下皆負薪置決河

明德惟馨

左傳宮之奇引周書曰泰稷非馨明德惟馨

山川含

於駢犢

見論語

至若月離金虎

陸機詩望舒離金虎漢書西方金也孔傳昂白虎中

星然西方七宿畢

昂之屬俱白虎

泥染石牛

廣州記州有石牛每早殺牛以血和泥泥石牛背既

畢即雨泥

薈蔚朝興滂沱晚注

詩薈兮蔚兮南山朝濟又月離于畢俾滂沱矣

盡方止

而清蹕纔動

見勸進表

纖蘿不搖

木華海賦輕塵不飛纖蘿不動

高閑將臨

左傳高

油雲自闕

西京雜記雨雲曰油雲

陽烏銜日寧懼虎賁之

其閑闕

弓

廣雅云日名陽烏淮南子日中有跋烏

樹本曰漢

明帝起居注上東巡泰山到滎陽有烏飛鳴乘輿上

虎賁王吉射之中而祝曰烏鳴啞啞引弓射之

飛雨彌

洞左腋陛下壽萬萬臣為二千石賜錢二百萬

天無待期門之蓋

漢外戚傳上官桀少時為羽林期門郎從武帝上甘泉桀奉蓋雖風常屬

車雨下

震維舉德

易震為長子文炳曰左傳王子朝告諸侯曰王后無適則擇立長年鈞

蓋輒御

以德德鈞以卜

非曰尚年

見表後啓

若發居鄴

桓弓文王舍伯邑考而立武王注伯邑考

文王長子

猶莊在漢

後漢書東海恭王疆建武二年立為皇太子十七年而母郭后廢遂

發武王名

讓位於顯宗顯宗明皇帝諱莊光武第四子也母陰皇后按昭明太子早卒簡文帝乃高祖第三子也故云

濤如白馬既礙廣陵之江

見侯安都碑

山曰金牛孰辨梅湖

之路

初學記武原淪陷為當湖又有梅湖趙曄吳越春秋海鹽縣淪為招湖徙居武原鄉故越地也世

標曰劉道真錢塘記明聖湖在縣南父老相傳湖中有金牛

專州典郡青鳬赤馬之

舟

魏王粲海賦乘困桂之舟晨鳬之舸吳志太傅諸葛恪制為鴨頭船詳與王太尉書

皇子天孫

鳴鳳飛龍之乘

陶季直京邦記宋武帝度六合龍舟翔鳳以下三千四十五艘晉宮闕記天泉

池有飛龍舟

莫不欣斯利涉

易利涉大川

玩此修渠乍擁楫而長

歌

列女傳趙簡子南擊楚津吏醉不能渡將殺之津吏女媚持楫而前中流奏河激之歌簡子立為夫人

乃縱金而鳴籟

見歐陽頤碑

斯曠世之奇功無疆之鴻烈者

也銘曰

后王降德於衆兆民高文象緯

晉張華傳妙達象緯

妙義幾神業

冠遷夏

見為陳武帝書

功踰入秦

漢高祖紀楚懷王與諸將約先入定關中者王之沛公攻

武關入秦

時惟大畜象及同人

見易

慧雨方雷禪枝獨春

西域侍羅

婆路山北巖泉是佛受山神飯已漱口嚼楊枝因生今為茂林寺號楊枝

帝德惟厚

書大禹謨益曰

都帝德
廣運

皇恩甚深觀乎禹迹

見侯安都碑

見我堯心

孝義寺碑

臣聞道階八地猶見后妃

淨土論二淨穢土謂淨多穢少即八地已上百緣經佛告

比邱此賢劫中波羅柰國梵摩達王正法治化惟無子
息禱祀諸神求索有子困不能得時王國中有一池水
生一蓮華其華臺中有一童子結跏趺坐王及后妃見
甚歡喜即抱還宮養育漸大隨其行處蓮華承足因香
立字名梅檀香後悟非常成願生千佛無非賢聖

離寶藏經

波羅柰國中有山名曰仙山有梵志在彼山住大小便
利於石上有雌鹿來舐即便有身生一女子梵豫國王
立為第二夫人後時有身便生千葉蓮華時大夫人取
千葉蓮華盛著藍裏擲於河中時烏耆延王接取見十

葉蓮華葉葉有一小兒長大各有大力千子即時將諸軍衆降服諸國次到梵豫第二夫人却之以五百子與親父母以五百子與養父母時二國王分間浮提各畜五百子佛言欲知彼時千子者賢劫千佛是也以誓願力常生
賢聖 汲引之義雖同隨機之感非一至如媯汭有禮

皇源所以前興

堯典釐降二女于媯汭嬪于虞

周女斯歸陳宗所以流

慶

左傳庸以元女大姬配胡公而封諸陳以備三恪

大矣神基帝系淑聖重光

者也慈訓太后

陳后妃傳武宣章皇后諱要兒吳興烏程人本姓鈕父景明為章氏所養因改

姓為武帝先娶同郡錢仲方女早卒後乃聘后永定元年立為皇后武帝崩后與中書舍人蔡景歷定計召文帝及即位尊后為德佐初九道暉上六

周易初九曰潛龍勿用何謂也

子曰龍德而隱者也又上六龍戰于野居天上天中之其血玄黃象曰龍戰于野其道窮也

極見丹處太任太姒之尊詩思齊太任文王之母又蘋

藻之化斯深葛覃之風彌遠詩于以采繁南澗之濱于

覃兮施于中谷皇帝膺茲上聖契彼援神後漢程醕傳注援神契鉤命決皆孝經緯

篇名也愛敬在乎一人德教刑於四海是以明星皎皎流

半月之光孫氏瑞應圖景星者天精也狀如半月甘露

團團灑如錫之味晉書甘露者仁澤也嘉禾自秀孝經

其凝如脂其美如飴契德下至地浪井恒清瑞應圖浪井不鑿自成天降徵

祥日聞書府

左傳女叔侯曰史不絕書府無虛月

自大明紹運

周易順而麗乎大明

神武膺期

繫辭古之聰明睿知神武而不殺者夫

至道旁通無思不格戊

已校尉西關玉門

漢書元帝初元時置戊已校尉屯田車師故地後漢班超傳不敢望到酒

泉郡但願生入玉門關注玉門關在燉煌郡今沙州

伏波將軍南表銅柱

見歐陽頎碑

方使三千世界百億須彌

長阿含起世經等云四洲地心即是須彌山山外別有八

山圍如須彌山下大海深八萬四千由旬其邊八山大海初廣八千由旬中有八功德水如是漸小至第七山下廣一千二百五十由旬其海鹹海廣於無際海外有山即是大鐵圍山四周圍輪并一日月晝夜回轉照四天下名為一國土即以此為量漸至滿千鐵圍繞訖名一小千復至一千鐵圍繞訖名為中千世界即數中千

復滿一千鐵圍繞訖名為大千世界此中四洲山王日月乃至頂各有萬億成則同成壞則同壞是皆一化佛所統之處名為三千大千世界

同望飛輪

轉法輪經佛在鹿野樹下時空中有自然

法輪飛來當佛前而轉

共稟玄德

舜典玄德升聞乃命以位

天嘉三年正月二

十一日詔旨

陳文帝紀世祖文皇帝諱蒨字子華始興昭烈王之長子也武帝甚愛之永定三年

六月丙午武帝崩皇后稱遺詔徵文帝入纂皇統改元天嘉

仰惟聖德方被兆民乃

敕有司改東成里為孝義里昔岱山徙號重華著其受

終

舜典正月上日受終於文祖歲二月東巡狩至于岱宗

德水移名秦人表其嘉

運

史記秦始皇本紀始皇并天下更名河曰德水以為水德之始

豈若盡在輿地書茲

里門仰述天經

孝經子曰夫孝天經也地之義也

光臨父母

繫辭元有師保如臨

父
母
臣陵稽首

周禮大祝辨九拜一曰稽首

乃作銘曰

願此良因

大寶積經樂施於人獲五種名利五能為菩提作上妙因

宜資貴親

公羊傳子

以母貴母
以子貴

三乘並策

見與李那書

四梵為賓

大悲芬陀利經佛言我於林中

三十六年遊四梵處為益衆生故食衆果法苑珠林大洛那力者是第四梵王那羅延力是

紺殿安

坐

梁元帝集善覺寺碑云寶繩交映無慙紫紺之宮白帖佛寺為紺園

蓮華養神

佛升初利天為

母說法經摩耶夫人兩乳血出猶白蓮華而入如來口中

燈前禮佛

涅槃經若於佛法供養一香燈

乃至獻一華
地後邊身

寶積經昔舍衛城有二十人皆是最後邊身更有怨家二十人

奪其命根如來為調伏是四十人故告目連言令此地
中出住違羅刺欲刺我足此刺即長一肘佛言我過去
世入大海中持稍刺人得如是報彼時二十怨賊欲害
二十人者作是思惟如來法王尚不免報況我等輩即
從坐起向

並濟含識

法苑珠林梁武帝捨道文引含識於涅槃

咸歸至真

法苑

佛悔過

珠林故經中來至佛所云南無無所著
至真等正覺是名口業稱歎如來德也

國家隆盛同享

遐慶謹勒豐碑

檀弓公室視豐碑

陳其舞詠

潘尼釋奠頌不知手舞口詠

齊國宗司徒寺碑

無色之外方為化城非想之中猶稱火宅

楞嚴經有色無色有想無

想若非有色若非無色若非
有想若非無想詳與李那書

若夫衆生無盡世界無窮

華嚴經一切法界
虛空界等世界

芬若披蓮

闍令尹喜傳真人遊時各
各坐蓮華之上一花輒徑

十遠如散墨

法華經假使有人磨以為墨過於東方千
國土乃下一點大如微塵又過千國土復

下一點如是展轉盡地種墨

善財童子南行未窺

華嚴經善

是諸佛土若算師知其數否

善財童子南行未窺

華嚴經善

財童子問法於五十三參善知識而德雲比丘乃第一
也又善財童子歡喜頂禮繞無數匝殷勤瞻仰辭退南

行目蓮沙門北遊不見

孟蘭盆經目蓮見其亡母在一
餓鬼中即鉢盛飯往餉其母一

一刹土皆由業緣

觀佛三昧經六日出時此地皆悉煙
出從須彌山乃至三千大千刹土及

八大地獄靡不燒滅未曾有經罪業因緣相續
不絕百緣經以是業緣五百世中受毒龍身

萬萬僧

祇終非常樂

藥王藥上經衆生得聞是五十三佛名者
是人於百千萬億阿僧祇劫不墮惡道大

集經佛言休息綺語獲十種功德三常樂實
事隋書經籍志般涅槃譯言滅度亦言常樂
天宮塞產

起世經其天宮城內雕飾受欲其歡樂不可
具說楚辭思蹇產而不釋注蹇產詰曲貌
猶傾四大

之風

樹本曰圓覺經此身四大和合毛髮爪齒皮肉筋
骨腦髓垢色皆歸於地唾涕膿血涎沫津液痰淚

精氣大小便利皆歸於水暖氣歸火動
轉歸風四大各離今日妄身當在何處
魔殿崔嵬

樓炭經在

欲色二界中間別有魔宮華嚴經如來即於口
中放大光明名無礙無畏映蔽一切諸魔宮殿
終懼三

災之火

長阿含經三災上際云何若火災起時至光音
天為際若水災起時至徧淨天為際若風災起

時至果實
天為際

朱樓寶塏輝煥爭華

宣律師住持感應傳樹
神即將七寶來至尊所

以神力故於一念頃即成四塏高五十由旬又造真珠
樓觀及白銀臺於此四塏內各造樓觀具八萬四千

炯曰西域志波斯匿王都城東百里大海邊有大增埵
中有小增高一丈二尺裝衆寶飾之夜中每有光耀如
大火聚云佛涅槃百五歲後龍樹菩薩入大海化龍王
龍王以此寶增奉獻龍樹龍樹受已將施此國地造莊
飾嚴好過佛在時經百五十年魔天燒滅則當此土
既義暢中土道流遐域顯默

同歸華夷俱慕自枕石漱流

見諫罷道書

始終一槩悟智交

養三十餘年春秋八十三古人云道存人亡法師之謂
凡我門徒感風徽之緬邈傷諮悟之永滅敢以殘見揚
德金石銘曰

九流依真

後漢書班固九流百
家之言靡不窮究

三乘歸佛

見與李
那書

道住

絕迹慈還接物

白帖如來慈心如彼大雲蔭注世界

孰是發蒙

易初六發蒙昭

我慧日

齊王中頭陀寺碑注慧日喻明也

攝亂以定

本相經年十九踰城出家學道勤行

精進

闢邪以律

齊尚統師傳魏黃初三年曇摩迦羅譯出戒律

秦皇雄感蔽理

通情王孫偏解遠死滯生

太平御覽蜀本紀曰始皇陵有銀蠶金雀以多奇物故俗

云秦皇地市漢書揚王孫學黃老之術厚自奉養生無所不致及終令其子曰吾欲贏葬以反吾真必無易吾意班固贊曰觀揚王孫之志賢於秦台皇遠矣夫子之悟萬劫獨明寒暑遞易

悲欣臯壤

家語孔子出聞哭聲至臯魚也曰吾有三哭少而遊學以後吾親一高尚吾志間吾事君

二與友厚而小絕之三立槁而死檀弓孔子之故人曰原壤其母死夫子助之沐柳原壤登木曰久矣予之不

託於音也歌曰狸首之斑然執女手之卷然夫子為弗聞也者而過之炯曰莊子山林與臯壤與使我欣欣然而樂與樂未畢也哀又繼之秋蓬四轉春鴻五響孤松獨秀德音長往節有推遷情無遺想

長干寺衆食碑

昔炎皇肇訓

繫辭神農氏作斲木為耜播木為耜耜之利以教天下

稷正脩官

典

秦黎民阻飢汝

信矣民天之言

見歐陽

誠哉國寶之義

后稷播時百穀

自非道登正覺

本願經佛告阿難我

安

范子計然曰五穀者國之重寶

住於大般涅槃

華嚴經乃至最後涅槃分布其身起

行

廟增心

經注梵語涅槃此云無為

在真空

觀佛三昧經過去久遠有佛出世號曰空王
炯曰海錄碎事如夾藏中性火真空性空真火

深入於無為般若

見罷諫道書

則菩薩應化咸同色身

婆沙論佛

在世時色身受用契法師傳婆毗吠伽論師於觀自在

菩薩立志祈請待見於是觀自在乃為現色身立世阿

毗雲論閻浮提衆

諸佛淨土皆為搏食

法華論無煩惱衆生住處名為

淨土毗婆沙論若以一搏之食起殷淨心

奉於僧衆於當來世決定不逢饑饉災起

證常住者爰

乞乳糜

涅槃經有人聞常住二字是人生生不墮惡道
父僧戴外國事佛在貝多樹下坐滿六年長者

女以金鉢盛牛乳糜
上佛佛於水邊嗽糜

補尊位者猶假香飯

見罷諫道書

亦有

三心未滅

菩薩善戒經菩
薩心有上中下

七反餘生

觀佛三昧經金翅
鳥王名曰正音日

食一龍王及五百小龍經八千歲死相既現諸龍吐毒
不能得食從金剛山直下從大水際至風輪際為風所
吹還上金剛如是
應會天宮
法苑珠林傳云釋迦受食
四王奉鉢滅後流行上升

兜率彌勒見曰釋迦佛鉢今就齋龍海
智度論阿羅漢
常入龍宮食已

來至此七日供養還下龍宮
況復瞻居地轉
未詳按

以鉢授與沙彌令洗鉢中有殘飯
數粒沙彌嗅之大香食之甚美

法師西國傳數量之稱謂踰繕那踰繕那者自
古聖王一日運行也舊傳一踰繕那四十里矣
咸憩珠

疑作庭
漢書上望祀蓬萊之屬幾至殊
庭師古曰殊庭蓬萊中仙人庭
固以皆種仙禾

並資靈粟者矣
曹植社頌靈稼阿那一禾千莖拾遺記
員嶠之山名環丘上有方湖千里多大

鵲高一丈羣飛於湖際銜采不周之粟於環
丘之上粟生穰高五丈其粒皎然如玉也
法師常願

以智慧火燒煩惱薪

華嚴經智慧火令衆生離障礙苦皆得具足文殊問經住家者為煩

惱所燒出家

普施衆生同餐甘露

四分律天帝釋便作是念我今令玉慧燈

者滅煩惱火

以此瘡死者甚非所以當以天甘露灌其身上瘡即平復

況復安居自恣

經律異相精舍告成

白王遣使

願學高年或次第於王城

法苑珠林食中有六者一乞食二次

請佛安居

第乞食三不作餘食法食四一坐食五一團食亦名節

量食六中後不飲漿雜阿含經爾時世尊晨朝著衣持

鉢共諸比丘入

猶棲遑於貧里

後漢徐穉傳謂茅容曰為我謝郭林宗何為栖

王舍城乞食

栖不遑寧處維摩詰經憶

迦留乞麵若用神通

十誦律佛在舍

念我昔於貧里而行乞時

衛國時有長老迦留陀夷得阿羅漢道持鉢入城乞食

到一婆羅門舍主人不在婦閉門作煎餅迦留陀夷比

丘即入禪定起通從外地沒涌出中庭乃以指彈婦即
語夷言縱使眼脫我亦不與而以神力即兩眼脫出復
念縱出眼如椀我亦不與即變眼如椀復念縱若倒立
我前我亦不與即於前倒立復念縱汝若死我亦不與
即入滅受想定心想皆滅無所覺知即語比丘言汝若
活者我施與一餅迦留陀夷便出於定婦更刮盆邊得
一小麴煎之迦留語言我不須是餅為須提請飯致遺
說妙法即於座上得法眼淨作優婆夷

豪貴

未詳

於是思營衆業

勝天王經乃往古世廣脩淨業

願造坊廚

涅槃經須

達長者七日之內成立大房足三百口禪坊淨處六十
三所冬室夏堂各各別異廚坊浴室洗脚之處大小園
厠無不
庶使應供之僧皆同自然之食
百緣經佛在世時王舍城中有

一長者其婦生女名曰善愛後求出家世尊告善愛尼
言汝今可設飲食供養佛僧尋取佛鉢擲虛空中百味

飲食自然盈滿如是次第取千二百
五十比丘鉢所飯亦皆滿都令豐足
升堂濟濟無勞四

輩之頻

大集經復有比丘晝夜精勤樂脩善法讀誦經典坐禪習慧不捨須臾以是因緣感諸四輩種

種供養

高廩我恒有千食之糲

詩亦有高廩萬億及秭水經注澆河西南一百

七十里有黃沙望黃沙猶若人委千糲於地

此外鐵市銅街

晉石苞傳苞為吏到鄴乃販鐵

於鄴市中詳與楊僕射書

青樓紫陌

魏曹植詩青樓臨大道王桀賦倚紫陌而並征

辛家

黑白之里

未詳

甲第王侯之門

漢書張放傳帝賜甲第

莫不供施相

高資儲轉衆

沐魄經給二十歲儲資糧

法師善巧方便

佛本行經有釋名為善覺

其子名羈提提婆堪教太子兵法式其所解知一切凡有二十九種善巧妙術又淨飯王復白仙言我意欲

令我子常在云何方便
及令幼年勿使舍我

漚合含羅

未詳四分律世尊般涅槃後百歲毗舍離

跋闍子比丘行十事乃至十事非法非毗尼非佛所教
已皆下舍羅在毗舍離七百阿羅漢集論法毗尼故名

七百集法毗尼又感應記祇垣寺殿內簷下有四銀臺
兩臺內有毗尼藏黃金為牒白銀為字毗尼律藏是龍

王教授滋生隨年增長假使桑林不雨

呂氏春秋湯五年不雨乃以身

禱於桑林瓠水揚波

漢書上使汲仁郭昌發卒數萬人塞瓠子決河

猶厭稻梁永無

飢乏加以五鹽具足

海錄碎事五色鹽出安息國阿含經一切味不過八種一苦二澀三

辛四鹹五淡六甜
七酢八不了味

七菜芳軟

荆楚歲時記正月七日 薺

類天廚

未詳沈約齊尼淨秀行狀於彼天上彼波利薺將還意欲與今法師有人問何意將薺去答云

欲與今法師是人不能將去
曰星經天廚六星在紫微宮東北

炯

果同香樹

旃檀樹經
維耶梨國

有五百人經歷深山一人臥熟失伴有
大梅檀香樹樹
神謂窮人言可止留此自相給衣食到春可去窮人還

至國中國王病頭痛惟得梅檀香以護病得愈王便令

匠臣將窮人往伐取香樹至到樹所使者見樹華果煌

煌心不
忍伐

美鼎之大殷王未逢

未詳按劉向說苑湯時大
旱使人持九足鼎祝山川

而天
大雨

糜鏝之深齊都非擬

見移

昆吾在次皆鳴驚嶺之

鐘感應記如來成道已至第三十八年於祇洹精舍重
閣講堂上佛告文殊師利菩薩汝往戒壇所鳴鐘召

十方天龍及比丘諸大菩薩衆等普集祇洹
銳曰大
哀經佛在王舍城靈鷲山者古昔諸佛之所遊居如來

威神之所建
立詳丹陽碑

暘谷初升同洗龍池之鉢

堯典分命羲仲
宅嵎夷曰暘谷

寅賓出日道宣律師住持感應曰佛告文殊師利我入
王舍城受彼國王請我既食訖即命羅睺先將我鉢還
於彼龍
池洗之

徐孝穆集卷四

謹案卷四第六頁後四行矯出而脫悞不接者刊
本無出字據神異經增

第七頁前四行光和元年置鴻都門學刊本光訛
元據後漢書改

第十頁前八行傾滇蜀之民刊本傾訛賈據史記
改

第十二頁後七行總以一長鎖繫之刊本鎖訛縲
據梁書改


第十四頁後三行波湧而濤起刊本波訛江據枚
乘七發改


第十七頁後五行休坐于杏壇之上刊本壇訛林
據莊子改

第十八頁後一行禽陳文徹刊本徹訛育據陳書
改

第二十六頁後一行四面無壁刊本壁訛殿據史
記改

第三十三頁後一行殷涅槃刊本殷訛舡據隋書
經籍志改





總校官庶吉士臣侍朝

校對官庶吉士臣徐立綱

膳錄監生臣范櫪

欽定四庫全書薈要

集部

徐孝穆集卷五

詳校官原任編修臣徐立綱



欽定四庫全書薈要卷一萬三千五百三十四

集部

徐孝穆集卷五

陳 徐陵 撰

吳江吳兆宜註



碑

東陽雙林寺傳大士碑

夫至人無已屈體申教聖人無名顯用藏迹故維摩詰

降同長者之儀

維摩經毗耶離城中有長老名維摩詰

文殊師利現儒生

之像

宣律師住持感應傳佛告文殊師利及四天王等教初流行彼汝文殊師利分身變為國王金剛齊

菩薩分身為大臣金剛幢菩薩分身
為比丘汝等三大士共流通我教

提河獻供之旅王

城列衆之端

見長干寺碑

抑號居士

師子月佛本生經比丘名蓮華藏多與國王長

者居士而為親友

時為善宿

成實論八戒優婆塞者此言善宿男

大經所說

智度論有

梵志名長爪言十八種大經盡欲讀之

常轉法輪

釋道安西域志波羅奈斯國佛轉法輪處

大

品之言皆紹尊位

法苑珠林晉周閔家有小品一部以半幅八大素反覆書之

斯則

神通應化不可思議者乎

法苑珠林諸德釋云世界初成昔古遺迹相似而現並是

佛之神力變化所為故五不可思議中一是佛神力也

東揚郡烏傷縣雙林寺傳

大士者即其縣人也

翻釋名義集娑羅樹東西南北四方各雙故曰雙樹方面悉皆一榮

一昔巖谿蘊德渭浦呈祥天賜殷宗誕興元相書說命夢帝賚

子良弼俾以形旁求于天下說

築傅巖之野惟肖爰立作相

景侯佐命樊滕是埒漢書

傅寬謚景侯與樊噲夏

介子揚名甘陳為伍

漢書傳介子與甘延

侯嬰同為高祖功臣

壽陳湯俱立功西域東京世載西晉重光惟是良家降神攸託若

如木生本行或示緣起

千佛因緣經梵王言我見辟支佛受持五戒以戒齋法當行十

善觀諸緣起按佛有本生本行二經

子長子雲自叙元系

漢書司馬遷字子長揚雄字子

雲俱有則云補處菩薩仰嗣釋迦法王真子是號彌勒

大悲經佛告阿難我為第四次復彌勒當補我處釋迦

譜善慧菩薩功行滿足位登十地生兜率天一生補處

徐孝穆集

二

名聖善白為諸天師瑜伽論若諸國王任持正法名為
法王佛在金棺敬福經若受約敕是佛真子賢愚經婆
羅門家生一男兒字曰彌勒法苑珠林西
云釋迦此云能仁西云彌勒此云慈氏
雖三會濟濟

華林之道未孚

賢愚經彌勒出家學道成最正覺三會
說法得蒙度者悉我遺法種福衆生皆

得在彼三會之中頌曰挺
此四人姿映蔚華林園

千尺巖巖儂佉之化猶遠

彌勒

下生經身長千尺圓光二十丈真諦師傳彌勒佛出世
時須達為儂佉國大臣名須達多此園地還廣一由旬
純以七寶徧滿布地奉施如來
但分身世界濟度羣生
起為住處注梵語儂佉此云貝
雜寶經佛法寬
機有殊源應無恒質自序因緣大宗如
廣濟度無涯

此按停水經云觀世音菩薩有五百身在此閻浮提地

長阿含經南方天王名毗瑠瑠此云增長
主領鳩槃荼及薜荔神將護閻浮提人
示同凡品教

化衆生彌勒菩薩亦有五百身在閻浮提種種示現利

益衆生故其本迹難得而詳言者也爾其烝烝大孝肅

肅惟恭厥行以禮教為宗其言以忠信為本加以風神

爽朗氣調清高流化親朋善和紛諍維摩經善和諍
訟言必饒益豈

惟更盈毀壁未詳宜僚下丸而已哉莊子徐無鬼篇市南
宜僚弄丸而兩家之

難至如王戎吏部晉書王戎襲父爵辟相國掾
歷吏部黃門郎散騎常侍鄧禹司

徒後漢鄧禹傳光武即位於鄩使使者
持節拜禹為大司徒禹時年二十四同此時年有懷

棲遯仍隱居松山雙林寺棄捨恩愛非梁鴻之並遊

見答

周處士書 拜辭親老如蘇耽之永別

神仙傳蘇耽郴縣人少孤養母至孝忽辭母云

受性應仙當違供養母曰汝去使我如何存活曰明年天下疫疾庭中井水簷邊橘樹可以代養至時病者食

橘葉飲井水愈 自脩禪遠壑

婆婆論人趣中有脩禪發智

絕粒長齋

樊法師傳馱那

羯磔迦國屬南印度都城東西據山間各有大寺其寺有婆毗吠伽論師於觀自在菩薩絕粒而服水三年立

志祈請待見

非服流霞

抱朴子項曼卿脩道山中自言至天上遊紫府遇仙人與流霞

一杯飲之輒不飢渴

若餐朝沆

司馬相如大人賦吸沆瀣餐朝霞列仙傳陵陽子春餐朝霞夏食沆

瀝太守王休言其說詐乃使邦佐幽諸後曾迄至兼旬

曾無假

疑作

食

增一阿含經有四種食諸入口之物可食噉者是謂段食

於是州鄉

媿伏

漢法本內傳明帝置佛舍利及經放火燒經並成煨燼道士等夫生媿伏佛之舍利放五色光上空

如蓋覆

遠邇歸依

師子月佛本生經比丘即為彌猴說三歸依

逃迹山林

集一

切福德三昧經昔過去久遠阿僧祇劫有一仙人住山林中名曰最勝具五神通常行慈心

肆行蘭

若

華嚴經願一切衆生常安居止阿蘭若處寂靜不動又釋氏要覽梵言阿蘭若此言空靜

又自序

云七佛如來十方並現

觀佛三昧經毗婆尸佛尸棄佛毗舍婆佛拘留孫佛拘那含牟尼

尼佛迦葉佛釋迦牟尼佛七佛身並紫金色

釋尊摩頂

法苑珠林第三身心恭敬禮者聞唱佛名

便念佛身如在目前手摩其頂除我罪業

願受深法

華嚴經有諸法師得勝妙法大乘深法每

至捷槌應叩

增一阿含經佛告阿難汝今連擊捷法鼓

法鼓

裁鳴

華嚴經普為衆生擊法鼓

空界神仙共來行道

菩薩處胎經上方七十二億空

界菩薩亦來

其外人所見者拳握之內或吐異香

娑婆論帝

雲集入胎中

釋欲遊戲時伊鉢羅龍王

胃臆之間乍表金色

宗門統要世尊

背上自然有其香手現

於涅槃會上以手摩胃告衆云

時有信安縣

隋書東陽郡領信安

汝等善觀吾紫磨金色之身

縣

比丘僧朔與其同類遠來觀化未及祇肅忽見大士

身長丈餘朔等驚慙相趨禮拜虔恭既畢更覩常形又

有比丘智勰優婆夷錢滿願等伏膺累載頻覩異儀或

見脚長二尺指長五寸餘兩眼光明雙瞳照耀皆為金

色並若金錢

阿育王經阿育王夫人產生一女一手常卷掌中有一金錢隨取隨生

譬李

老而相侔

老子志略老子一名李耳兩目日光方瞳綠筋

同周文而等狀

孟子文王

十姜嫄所履

詩疏姜嫄履大人迹

天步可以為儔

詩天步艱難

河流大

履

祖沖之述異記苻健皇始中津監寇登於河中流得大履一隻長七尺三寸足迹稱履指長尺餘文深七

寸神足宜其相比

興起行經辟支引空七反同旋飛支還時城內人見此神足舉國歡喜

郎之彥既恥黃睛

海錄碎事魏高僧支謙博覽經籍兩眼多白而睛黃時人謂曰支郎眼中

黃形軀雖瞿曇之師

涅槃經迦毘羅城有釋種子字悉達多姓瞿曇氏

有慙青

目寶女經如來瞳
子如紺青色

既而四空妙定

大寶積經菩薩至
於空處脩習四禪熏

脩已成

江總集香贊
曰熏脩福田

八解明心

菩薩本行經今最後身
值釋迦佛捨豪出家得

阿羅漢三明六
通具八解脫

莊嚴斯滿

法苑珠林三十
二相微妙莊嚴

時還鄉黨化

度鄉親俱識還源並知回向

法苑珠林回向者回
諸福德向無上道

或立

捨鬚髮如聞善來

百緣經佛告善來鬚髮自
落法服著身便成沙門

大傾財寶

同脩淨福

維摩經憶所脩
福念於淨命

大士熏禪所憩

婆娑論生彼
天者要是進

向那舍身得四禪發於無漏起熏禪業方
是得生凡夫無此熏禪業故不得生也

獨在高巖爰

挺嘉木是名檇樹擢本相對似雙槐於夾門

晉潘岳詩
綠槐夾門

植

合榦成陰類雙桐於空井

魏文帝詩雙桐生空井

厥體貞勁無爽大

年

莊子小年不及大年

冒霜停雪寒暑葱翠

晉左思吳都賦綠葉翠莖冒霜停雪

信

可以方諸堅固

梁元帝阿育王像碑云始遊羅衛便居堅固之林

譬彼娑羅

涅槃

經我於此娑羅雙樹大師子吼者名大涅槃
支僧載外國事阿育王起浮屠於佛泥洹處雙樹及塢

今無復有也此樹名娑羅樹其樹華名
娑羅法也此華色白如霜雪香無比也既見守於神龍

括地圖龍池之山多
五花樹羣龍食之

將為疑於變鶴

神境記榮陽郡南有石室室後有孫

松千丈常有雙鶴晨必接翮夕輒偶影傳曰昔
有夫婦二人俱隱此室年既數百化成雙鶴

乃於山

根嶺下創造伽藍

過去因果經諸僧伽藍中竹園僧伽
藍最為其始釋氏要覽梵語題云僧

伽藍摩此云衆園

因此高柯故名雙林寺矣

按傳大士傳云大士捨宅於松下建

寺因以樹

名雙林 大士亦還其里舍貨買妻兒營締支提

地持論菩

薩供養如來略說十種二支提供養若菩薩為如來故

供養優婆塞若窟若舍若故若新是名支提供養

統曰

僧祇律云有舍利者名

繕寫尊法

隨願往生經歌贊

常

增無舍利者名支提

以聚沙畫地皆因圖果

大威德陀羅尼經佛告阿難譬如有大沙聚將一滴水潤此沙

聚可令徹過如一婦人以千數丈夫受欲果報不可令

其知足也百緣經佛將比丘入城乞食逢一婆羅門以

指畫地與我五百金錢爾乃聽過須達長者即與金錢

五百乃聽佛過佛言過去善生太子路逢一人共輔相

子栲楠博戲時輔相子負彼戲人金錢五百太子語之

我當代償彼太子者我是輔相子者須達是戲人者婆

羅門是凡負債者不可不償乃至成佛不脫此難

芥子菴羅無疑徧陋

大悲經世尊告

阿難我滅度後若有人乃至供養我之舍利如芥子等恭敬尊重謙下供養有孝曰小未曾有經佛般涅槃

後以如芥子舍利起增如菴摩勒果其利如鍼上施槃蓋如酸棗葉若佛形像如麤麥大功德滿足百倍法

顯記菴婆羅女家為佛起增樹敏曰闡義云菴羅是

果樹之名其果似桃此樹華開生一女國人歎異以園

封之園既屬女故言菴羅樹園宿善冥熏乃起九層磚

見佛歡喜以園奉佛佛即受之而為所住

增華手經若是增廟毀壞當加形色巍然六時虔拜

龍樹

十住論菩薩晝夜各有三時於此六時巡繞斯託又以

禮拜十方諸佛懺悔勸請隨喜回向

大乘洛陽伽藍記神龜四年太后遣崇靈寺比丘慧生

向西域取經凡得一百七十部皆是大乘妙典

方等靈藥寶珠

大志經大志至年十七為衆生故發意入海取明月寶珠以濟衆生

眷言

山谷希得傳寫龍鄉思其燒照

後漢郡國志泰山郡有龍鄉城

象駕乏

其流通

傳燈錄水中龍力大陸中象力大故負荷大法者比之龍象

復造五時經典

千有餘卷與夫鬻子而葬同其至誠

家語孔子聞婦人哭聲謂顏淵曰此

非獨喪哀又有離別之苦嫁妻而隱無殊高節

晉書許邁遣婦

孫氏還家後改名玄若寄搏麴

阿育王經佛在世時入王舍城乞食見二小兒

一名德勝二名無勝以土為麴著於倉中見佛相好德勝歡喜掬倉中土名為麴者奉上世尊緣是善根佛般

涅槃一百年後作如因賣花

過見因果經普光佛出興於世爾時善慧仙人欲訪

轉輪王王閻浮提

花所忽遇瞿夷持花七莖畏王制令藏著餅中善慧至誠感花踊上追呼就買此女荅言當送內宮欲以上佛善慧告言五百銀錢雇五莖花欲以獻佛瞿夷即曰我今當以此花相與願我生生常為君妻善慧荅言我脩梵行求無為道不得相許

共指菩提

阿育王經如來大覺於菩提樹下覺

生死之緣詳諫罷道書

諸方成親眷

大藏一覽佛告諸比丘言然燈如來出興世時善慧仙人豈異人乎即我是今此人

之中迦葉兄弟及其眷屬千比丘是賣花女者今耶輸是

至如有相無相之懷

珠林法苑

共法師云依如西域釋迦一代說法總有三時第三時中為大行菩薩雙說有相無相法為破有相無相法令悟中道究

虛已虛心之德化雞在臂方推理於自然

莊子

子輿曰浸假而化予之左臂以為雞予因以求時夜樹穀曰按佛本行經爾時太子具報使人令王深信因

果不信 毒蛇傷體終無擾於深定

佛本行經畢鉢羅耶童子與跋陀羅女為

夫婦同脩梵行周歷年載終不同寢此女既睡一手垂地忽有一蛇而夫畏彼蛇螫其手即衣裹手擎於婦臂安放牀上後同投佛出家道宣律師住持感應記佛告文殊汝取我法角黃金為釵至彼比丘所吹我出世曲及起深門徒肅肅學侶詵詵通彼慈悲

觀佛三昧經如來功德慈悲無

量義無偏黨

書洪範無偏無黨

大通元年縣中長宿

雜寶藏經恭敬父母

耆長宿老

傅普通等一百人詣縣令范胥連名薦述又以中

大通四年縣中豪傑傅德宣等道俗三百人詣縣令蕭
詡具陳德業夫以連城之寶照廡之珍野老怪而相捐

工人迷而不識

魏文帝送玉珎書價越萬金貴重連城尹文子魏田父有耕於野者得玉以告

鄰人鄰人詐之曰此怪石也田父置於廡下光照一室怖而棄之鄰人以獻魏王召玉工相之工曰五城之鄙

僅可一觀胥等體有流俗才無鑒真亟欲騰問終成虧怠梁

高祖武皇帝紹隆三寶

大寶積經菩薩脩定後有十法十脩定能興正法紹隆三寶

弘濟四生

法苑珠林廣興六度接引四生

迹冠優填

觀佛三昧經時優闍王遙慕世尊鑄

金為像是衆像之始也

神高仙豫

毗曇說仙舉國王殺五百婆羅門生地獄中發生信心生甘露

國夫以陳蕃靜室猶懷天下之心

後漢陳蕃傳蕃常處一室而庭宇無穢曰

大丈夫當伊尹躬耕思弘聖王之道

見與宗室書

況我有慧

日明炬

文選王少頭陀寺碑注慧日喻明也法華經世尊以智慧為燈炬

如風寶車

華嚴

經如風無所礙

濟是沈舟能升彼岸

智度論若能不退成辦佛道名到彼岸涅槃經彼岸

者喻如來也

固宜光宣正法

菩薩本行經釋迦佛如來滅後正法住世五百歲像法住世亦

五百歲

影響人王者乎

新翻大般若經擁護天王及人王等令護正法久住世間於是

以中大通六年正月二十八日遣弟子傅暉出都致書

高祖其辭曰雙林樹下當來解脫

法苑珠林三乘名義解脫體同

善慧

大士白國主救世菩薩今條上中下善希能受持其上

善以虛懷為本不著為宗

法苑珠林由上界樂行寂滅不著不能發起麤貪恚瞋故

名無苦
無樂

妄想為因涅槃為果其中善以治身為本治國

為宗天上人間果報安樂

雜寶藏經況其果報豈可量也

其下善以護

養衆生勝殘去殺普令百姓俱享六齋

涅槃經年常三長月恒六齋菜

蔬節味

夫以四海之君萬邦之主預居王土莫不祇肅爾

時國師智者法師與名德諸衆僧等言辭謹敬多乖釋

迦之書

佛本行經太子復謔蜜多阿闍黎言此書凡有六十四種未審尊者欲教我何書

文牒

卑恭翻豫山公之啓

晉書山濤在典選甄拔人物各有題目奏之時稱山公啓事

大

士年非長老

禪門規式西域人凡稱人道老臘長呼為須菩提如中國凡具道眼有可尊之德者

號曰長老位匪沙門

後漢書佛慈心為主不殺生類專務清靜其精進者號為沙門漢言息心

蓋息意去欲以歸無為也

通疏乘輿過無虔恪京都道俗莫不嗟疑

眈至都投太樂令何昌并有弘誓誓在御路燒其左手

以此因緣希當聞達昌以此書呈同泰寺僧皓法師師

衆所知識名稱普聞見書隨喜勸以呈奏皇心歡悅遽

遣招迎來謁宸闈亟論經典同泰寺前臨北闕

漢書蕭何治未

央宮立東闕北闕前殿

密邇南宮

有孝曰杜田正謬云漢建尚書百官府名曰南宮

仍請

安居備諸資給

見長干寺碑

後徙居鍾山之下定林寺遊巖

倚樹

見諫罷道書

宴坐經行

百緣經鸚鵡王見佛比丘寂然宴坐甚懷喜悅

樹敏曰付法

藏經迦葉語婦我若眠息汝當經行汝若眠息我當經行

京洛名僧

樂府有煌煌京洛行

學徒

雲集莫不提函負帙問慧諮禪居蔭高松臥依磐石於

是四徹之中恒泣甘露

穆天子傳天子北征至於羣玉之山河平無險四徹中繩先王

所謂策府普曜經太子滿十月已臨產之時先現瑞應三十有二十三諸天玉女持萬金餅盛甘露住虛空中

六旬之內常雨天酒

正法念經彼夜摩天男共天女中入池遊戲同飲天酒

豈非

神僊影響示現禎祥者乎帝於華林園重雲殿自開講

三慧般若經窮須真之所問

佛性論要須真實利益衆生先自調伏

御法

勝之高堂

起世經三十三天集會坐時於中惟論微細善語深義稱量觀察皆是世間諸勝要法真

實正理是以諸天稱為善法堂

北宮曰長

百千龍象

阿舍經一時忉利諸天集善法堂有所講論

阿育王經昔阿恕伽王以金鑄作龍像及以王像以枰稱之尚瑗曰道宣律師感應記又告婆竭龍王汝可

化身為八萬四千黃金龍像

圍繞餐聽

增一阿含經千二百弟子前後

圍繞如來在中

黑貂朱紱

史記蘇秦傳黑貂之裘敝易朱紱方來

王侯滿筵國華

民秀

國語季文子曰吾聞以德榮為國華王制命鄉論秀士升之司徒曰選士

公卿連席乃

令大士獨榻對揚天宸

書說命敢對揚天子之休命

并遣傳詔及宣

傳左右四人接受言論爾時納揆之於臺內

舜典納于百揆百揆

時叙司隸之在殿中杜預還朝晉書平吳之後徵杜預馬

防親貴

後漢馬防傳防貴寵最盛與九卿絕席

舊儀縣席皆等庶僚以大

士絕世通人故加其殊禮矣及王輦升殿

范蔚宗後漢輿服志天子

五路以王為飾

雲蹕在階

崔豹古今注秦制出警入蹕謂出軍者皆警戒入國者皆蹕止也謝朓詩

十載朝雲陛又陶潛集聯句惜之曰雲駕庶可飭

晏然箕坐

漢書郭解出入皆避一人獨箕踞視

曾不山立

樂記總干而山立

憲司譏問愈見凝峙但荅云法地

若動則一切法不安應對言語皆為爽異昔漢皇愛道

樂大不臣

漢郊祀志封樂大天道將軍令衣羽衣立白茅上受印以示不臣

魏祖優賢

楊吏如客

魏志文帝引楊彪待以客禮

河上之老輕舉臨於孝文

神仙

傳河上公不知其姓氏結草為菴於河湄讀老子漢文帝駕往詣之

嚴子之高閒臥加於

光武

後漢逸民傳太史奏客星犯帝座帝笑曰朕故人嚴子陵共臥耳

方其古烈信可

為儔帝又於壽光殿獨延大士講論玄蹟言無重頌

彌陀

疏鈔梵語祇夜多此云重頌

句備伽陀

祖珽事苑梵言伽陀此言諷誦

音會宮商義

兼華藻豈惟寶積獻蓋文成七言

維摩經云寶積與五百長者子俱持七寶

蓋來詣佛所佛之威力令諸寶蓋合成一蓋徧覆三千大千世界

釋子彈琴歌為千偈

而已

長阿含經父王聞四子端正曰此真釋子也雜阿含經過去世時拘薩羅國有彈琴人名曰鹿牛有

六廣大天宮天女來至拘薩羅國鹿牛彈琴人所語言
為我彈琴我當歌舞天女於歌頌頌中自說所以生此
因緣彼人即便彈琴
彼六天女即便歌舞
固非論經於白虎之殿
後漢丁鴻傳鴻字孝

公肅宗詔鴻論定五經同異於白
應詔於金馬之門
漢書

東方朔待
說義雲臺
後漢逸民傳周黨伏而不謁博士范升奏曰臣願與坐雲臺之下考

試圖國
受釐宣室
賈誼傳上方受釐坐宣室
可同年而語哉自火運

將終民無先覺雖復五胡內鼎蒼鵝之兆未萌
晉五行志懷帝

永嘉元年二月洛陽東北步廣里地陷有蒼白二色鵝
出蒼者飛翔冲天白者止焉董養曰步廣周之狄泉盟
會地也白者金色國之行也蒼為
胡象是後劉淵石勒相繼亂華
四海橫流夷羊之牧

匪現

汲冢周書度邑解惟天不享於殷發之未生至於今六十年夷羊在牧飛鴻過野郊樹敏曰淮南子

本經訓夷羊在牧許慎曰夷羊土神商之將亡見於商郊牧野之地

大士天眼所照預覩

未來

雜寶藏經羅漢道人尋即入定以天眼觀

摩掌之明夙鑒時禍

法苑珠林竺佛

圖澄西域人時石勒與劉曜相拒構隙以問澄澄曰可禽耳麻油塗掌令視之見曜被執朱繩縛肘後果獲之

如掌所見

哀羣生之板蕩泣世道之崩淪救苦為懷大悲為

病誓欲虛中閉氣

法苑珠林晉長安有沙公者西域人虛靖服氣不食五穀日能行五百里

識食為齋非服名香

正法念經餓鬼大數有三十六種十四食香鬼法苑珠林宋釋慧益

廣陵人憩竹林寺積勤苦行惟食香丸

但資禪悅

起世經閻浮提人等飯麩豆肉等名為麤段食

按摩澡浴拭膏等名為微細食自外三州及六欲諸天等並以麤微細為食自此以上色界無色天並以禪悅

法喜為食方乃燒其苦器涅槃經身為苦製造華燈摩耶經龍樹善

設法要滅邪見願以此一光明徧照十方佛土因果經無量諸

天作諸伎樂燒眾名香散天妙華隨勸請調御寶性論為六種

人故說三寶一調御師二常住世間救現在之兵災劫中

調御師法三調御師弟子除當來之苦集長阿含經諸比丘欲求光

世界經二十小劫中中間明者當求苦於是學眾悲號山門踊叫弟子居士徐普

集滅道光明拔潘普成等九人求輸已命願代宗師其中或斮耳而

刊鼻或焚臂而燒手善財童子重睹知識

華嚴經彌勒領無量諸大

菩薩從他方來彈指一聲閣門遂開善財即入入已即閉善財見一樓閣中皆有彌勒一一彌勒前皆有善財

一一善財皆悉合掌

忍辱仙人是馮相輩

新婆娑論過去此賢劫中

有王名羯利時有仙人號為忍辱住一林中勤脩苦行仙人便伸一臂王以利劍斬之王復命伸一臂即復斬之次斬兩足復截兩耳又割其鼻史記傳斬傳陽陵侯傳寬注引地理志云馮相陽陵縣大士乃延

其教化更住閻浮

見長干寺碑

弘訓門人備行衆善於是弟

子居士范難陀弟子比丘法曠弟子優婆夷嚴比丘各

在山林燒身現滅次有比丘寶月等二人窮身繫索挂

錠為燈

說文錠謂之燈呂靜韻集無足曰燈有足曰錠

次有比丘慧海菩提等

八人燒指供養

法華經能然手指乃至足一指供養佛增勝以國城妻子及三千大千國土珍

寶而供養者

次有比丘尼曇展慧光法纖等四十九人行不

食齋法次有比丘僧拔慧品等六十二人割耳出血用

和名香奉依師教並載在碑陰書其名品夫二儀大德

所貴曰生

繫辭易有太極是生兩儀又天地之大德曰生

六趣含靈所重惟命

婆娑論六趣之中能止息意故名為人

雖復夢幻影響同歸摩滅

諫王經世間榮

位如幻如夢不可久保付法藏

愛使迷情惟貪長久

法苑

經縱使富貴如天終歸磨滅

珠林龍樹菩薩捨離欲愛
出定為道老子天長地久
自非善巧方便漚和含羅

見長干寺

碑照以慈燈

梁陸倕誌法師墓志銘
曰慧雲晝歇慈燈夜昏

霑其妙藥

付法藏經法是

妙藥能愈結病

豈或捨不貲之軀而能行希有之事

大品經若我聲聞弟

子之中欲行第一希有之事者
當為世間廣宣如是大乘經典

若令割身奉鬼聞半偈

於涅槃

涅槃經佛言我念過去作婆羅門在雪山中脩
菩薩行時天帝釋即下試之自變其身作羅刹

像住菩薩前口說半偈云諸行無常是生滅法菩薩
即語羅刹但能具足說是偈竟我當以身奉施供養賣

髓祠天能供養於般若

雜譬喻經噉人王曰吾本捕人
當持祠天已得四百九十九人

今得卿一人其數已滿殺以祠天汝何不懼國王對曰
旦出宮時路逢道人為我說偈即許施物今未得與以

是為恨今王弘慈寬恕假
日施訖還來不敢違要也

理當剗心靡吝

千佛因緣經
雪山中有婆

羅門名牢度跋提白夜叉言我今不惜
心之與血即持利劍破胃出心與之

濯骨無疑者乎

彌勒所問本願經往過世有王太子號曰蓮華王見一
人身體病癩曰得王身髓以塗我身其病乃愈太子即
破身骨以得其髓持與病者

大士小學之年不遊黌舍

曲禮人生十
年曰幼學漢

儒林傳序武帝時太學生徒動
至數萬郡國黌舍悉皆充滿

大成之德自通墳典

學記

九年知類通達強立而不反謂之大成左傳左
史倚相趨過王曰是能讀三墳五典八索九丘

安禪合

掌

惟無三昧經人求道安禪先當斷念善現論禮佛時
應繞三匝三拜四方作禮合十指掌叉手於項卻行

而說偈論經

三千威儀云出家人所作業務一者
坐禪二者誦經法三者勤化衆事

滴海

未盡其書

大悲經如來爾時知彼水滴在大海中見知住處不與餘水共相和雜不增不減平等如

故又滴水者喻一發心微少善根大海者喻佛如來應正徧知

懸河不窮其義

晉書王衍曰郭

象清言如懸河久而不竭

前後講維摩思益經等比丘智瓚傳習受

持所應度者化緣既畢

新翻大阿羅漢難提蜜多羅所說法住記化緣既畢將歸涅槃

以大建元年朱明始獻

見為陳武帝書

奄然右臥

法苑珠林經云仰臥者是

脩羅臥伏地臥者是餓鬼臥左脅臥者是貪欲人臥若

右脅臥者是出家人臥鶴齡日中阿含經如來爾時

將詣雙樹四襲鬱多羅僧以為施坐僧伽

將歸大空

觀佛

梨為枕右脅而臥足足相累而般涅槃

三昧經有王名曰雜寶華光子名快見和

二旬初滿三

尚為說甚深般若波羅蜜經大空之義

心是滅

見長干寺碑

爾時隆暑

晉潘岳射雉賦時暑忽隆熾

便已赫曦

李

悲四時賦悲炎節之赫曦

屈伸如常溫暖無異洗浴究竟扶坐著衣

色貌敷愉光彩鮮潔爰經信次

詩疏一宿曰宿再宿曰信

宛若平生

烏傷縣令陳鍾耆即往臨赴猶復反手傳香

道宣律師住持感應

記十方諸佛各手捻杵付彼爐中

皆如疇昔若此神變無聞前古雖復

青牛道士

漢武內傳封君達號青牛道士有病死者以竹管中藥與服皆愈

白馬先生

未詳便遁形骸本慙希企若其滅定無想彈指而石壁已

開吳法師傳婆毘吠伽論師執金剛神所誦金剛咒咒芥子擊於石壁豁然洞開時有百千萬衆觀覩驚歎

論師跨門再三顧命衆人唯有六人從入論師入已當
即石門還合如壁 炯曰華嚴經入法界品爾時善財
童子敬繞彌勒菩薩合掌白言惟願大聖開樓觀門令
我等入彌勒菩薩即彈右指門自然開善財即入入已
還閉 法王在殯申足而金棺猶啓 傳燈錄佛滅後有第一
泣佛於金棺 非斯矣莫與為儔遺誠於雙林山頂如法
內現雙足

燒身一分舍利

法苑珠林舍利者西域梵語此云骨身
舍利有三種一骨舍利色白二髮舍利

色黑三肉舍利色赤若佛舍利椎
打不破若弟子舍利椎擊便破

起塏於冢一分舍利

起塏在山又造彌勒像二軀置此雙塏莫移我眠牀當

取法猛上人織成彌勒像永安牀上寄此尊儀

見諫罷
道書

以標形相也

賢愚經此袈裟乃是三世聖人標相

於是門徒巨痛遂爽遺

言用震旦之常儀

華嚴經震旦國有一住處名那羅延窟從昔已來諸菩薩衆於中止住法

苑珠林東夏九州名西域為天竺者是總名也或云身毒如梵稱此方為脂那或云真丹或作震旦此蓋承聲

有楚夏耳乖闍維之舊法

大悲經迦葉以已身火闍維其身闍維身已灰炭不現挺曰法苑

珠林髮爪兩璫衣影二臺皆是如來在世已見成軌自收迹河邊闍維林外八王請分還國起璫及餅炭二所

於是十剎興焉 四部皆集

法苑珠林賓頭盧往西瞿耶尼教化四衆廣宣佛法闍浮提四部弟子思

見賓頭盧 悲同白車

傳燈錄法達念法華經三千部禮祖不投地六祖曰無念念即正有

念念成邪有無俱不計長御白牛車

七衆攀號

圓覺經比丘比丘尼式又摩那沙彌室羅末尼此出

家五衆優婆塞優婆夷
此在家二衆此七衆也

哀踰青樹

梁元帝集內典碑銘
集林序曰白林將謝

青樹
已列

弟子比丘法璿菩提智瓚等以為伯陽之德貞桓

紀於賴鄉

史記老子姓李名耳字伯陽楚國苦縣賴鄉人續漢書桓帝夢老子令中常侍左官於賴

鄉記之詔陳相邊韶立祠兼刻石金
石錄苦縣老子銘舊傳蔡邕文并書

仲尼之道高碑書

於魯縣

碑應記孔子廟列七
無像檜栢猶茂

亦有揚雄弟子

漢揚雄傳
雄卒侯邑

為起墳喪
之三年

鄭玄門人

後漢鄭玄傳玄卒門生相與撰玄
荅諸弟子問五經依論語作鄭志

八俱述清猷載刊玄石

水經注杜預曰梁國蒙縣北有
薄伐城城中有成湯冢今城內

有故冢方墳疑即杜元凱所謂湯冢者也而世謂之王
子喬冢其後有人著大冠絳單衣杖竹立冢前呼采薪

孺子伊永昌曰我王子喬也勿得取我墳上樹也忽然
不見國相東萊王璋以為神聖所興必有銘表乃與長
史邊乾遂樹之於是祈聞兩觀何休曰天子外闕兩觀冒涉三江

書禹貢三爰降絲綸禮記王言如絲其出如綸克成豐琰陵雖不敏
江既入

夙仰高風輕課庸音乃為銘曰

大矣權迹勞哉赴時或現商主

佛本行經雞尸馬王即我身是五百人中商主者即

舍利弗是五百商人即刪閼邪波

聊為國師卑同巧匠

離婆闍迦諸弟子等五百人是

阿舍經優填王敕國出巧匠會以

屈示良醫

智度論甚薩不應遠

牛頭栴檀作佛供養晨夕禮拜

離諸佛譬如病

猗與開士

法苑珠林開士應真導揚未教

類此難思當來

苦不離良醫

解脫克紹迦維

普曜經佛兜率天降神於西域迦維衛國淨梵王宮摩耶夫人剎右脅而生

北騫曰因米經太子身黃金色三十二相放大光明普照三千大千世界迦維羅衛國三千日月萬二千天地

之中妙道猶秘法苑珠林邪惑問方外對曰機緣未適

央也拾措紳之容亦何傷於妙道弗降雞頭法苑珠林

智度論佛成道已不即說法於五昔天竺雞

十七日今檢括機緣然後說法

頭摩寺五通菩薩住安樂界請阿彌陀佛娑婆衆生願

生淨土無佛影像願力莫由請垂降許佛言汝且往去

尋當寧開狼迹序即經摩訶迦葉於北地爰徙東山攸

現彼狼迹山中入滅盡定

宅族貴泥陽宗分蘭石魏志傳敬傳敬字蘭石北莫測

其本徒觀其迹邈有蒲塞心冥世雄明宣苦苦法句喻經

佛言天下

之苦莫過有身身者衆苦之本離世苦本當求寂滅

妙鑒空空

孔稚圭北山移文談空空於釋部

汲引三界

自誓三昧經三界一欲界二色界三無色界

行藏六通

華嚴經六通一天眼

二天耳三地心四宿命五神足六漏盡

爰初隱逸宴處林叢

祖珽寧苑梵語貧婆此云

叢林譬如大樹叢叢故僧聚處得名叢林

食等餐露齋疑服風

求離牢獄經此等梵志服

風食敬禮珍璫

見宋司徒寺碑

皈依靈像

法苑珠林故釋伽云吾今此身即是法身

由是法身所依持故如泥木靈像遠有所表敬誠殷禮獲福無量

未若天尊躬臨方丈

太玄真一本際經運道一切為極尊而常處三清出諸天上故稱天尊忠柱曰法苑珠林唐顯慶中王玄策

使西域有維摩詰石室以手板縱橫量之得十笏故名方丈室讀此碑則唐之前已有此名矣

慧炬常

照慈燈斯朗

長阿含經燈燭之明不如炬火

釋梵天仙

大悲芬陀利經佛言我於此間

浮提為轉輪王名曰燈明即捨詣林求梵仙行

晨昏來往濟濟行法洗洗談講

德秀臧丈

莊子文王觀於臧見一丈人釣而其釣莫釣遂迎臧丈人而授之政以為太師

風高

廣成

莊子黃帝聞廣成子在於空同之上故往見之

來儀上國

益稷鳳皇來儀史記徐君好季

札劍為使

抗禮承明

漢汲黯傳大將軍青既益尊黯與亢禮嚴助傳帝賜助書曰君厭承

明之廬勞

妙辯無相深言不生

楊嚴經除住三昧是名無生

撞鐘比

說

樂記善待問者如撞鍾

擊鼓慙英樂論天口

漢劉歆七畧齊田駢好談論齊人語

曰天口駢天口者言不可窮

誰其與京

左傳懿氏卜妻敬仲占之曰八世之後莫之與京

下

現仙掌爰標神足色豔沈檀

楞嚴經白梅檀塗身自能除一切熱惱

香踰

簷蔔

經云如入簷蔔林中聞簷蔔花香不聞他樹屏曰華嚴經有世界名簷蔔華色

我有邊

際

付法藏經流轉生先無有邊際

隨機延促擔毀身城

法句經心意品說得曰防意如

城當開心獄

唯諦論善惡熏心令心異見實無地獄是故心外雖無地獄惡業成時強自妄見

忽示范影

金剛經如夢幻范影

俄如風燭

法苑珠林命如風燭難可駐留

皦皦門

人承師若親寧焚軟疊

涅槃經菩薩為法因緣剗身為燈氎纏皮肉酥油灌之燒以為

炷

尚瑗曰菩薩處胎經八大國王各持五百張白氎

梅檀木蜜盡內金棺裏以五百張氎纏裏金棺復五百

乘車載香酥油以灌白氎爾時世尊欲

弗燎香薪

新婆娑論

入金剛三昧碎身舍利於婆娑世界

是上座觀肉是菩薩肉共取香薪焚燒其肉
收其餘骨起窣堵波禮拜供養如事佛塏

合窟為窆

觀佛三昧經佛初留影石室在那乾呵羅國毒龍池側
爾時世尊從石窟出時龍聞佛還國啼哭雨淚佛安慰

龍我受汝請當坐汝窟中經千五百歲佛坐窟中作十
八變踊身入石猶如明鏡在於石內映現於外諸天百

千供養佛影影亦
說法迄今猶現

方墳以堙

法苑珠林云所云塏者
或云塏婆此云方墳

須

彌據海

起世經於須彌山佉提羅迦山二山之間
有須彌海闊四萬四千由旬周圍無量

變灰

揚塵

曹毗志怪漢武帝鑿昆明池極深悉見灰墨無復
土以問東方朔朔曰試問西域胡至明帝時外國

道人入洛時有憶朔言問之胡人云經云天地
大劫將盡則劫燒此劫燒之餘詳與楊僕射書

淨土無

壤

法苑珠林云西方常清淨自
然無一切雜穢故云淨土

靈儀自真

法苑珠林梁
武帝捨道文

曰鑠靈儀
於象外

何時涌增復睹全身

法苑珠林阿育王遣使
浮海壞撒諸增分取舍

利還值風潮頗有遺落故今海族之中時或遇者智度
論佛問阿難吾在龍宮說法龍子得道留全身舍利高
一百三十
丈汝知不

天台山徐則法師碑

北史徐則東海剡人也杖
策入縉雲山不娶妻常服

巾褐陳太建中應召來憩於至真觀暮月又
辭入天台山大傳徐陵為之刊山立頌晉王
廣鎮揚州聞其名手書召之曰夫道得衆妙
法體自然包涵二儀混成萬物人能弘道道
不虛行先生履德養空宗玄齊物深曉義理
頗味法門悅性冲玄恬神虛白餐松餌朮栖
息煙霞望赤城而待風雲遊玉堂而駕龍鳳
雖復藏名台岳猶且騰實江淮籍甚嘉猷有

勞寤寐欽承素道久積虛襟側席幽人夢想
巖穴霜風已冷海氣將寒偃息茂林道體休
愈昔商山四皓輕舉漢庭淮南八公來儀藩
邸古今雖異山谷不殊市朝之隱前賢已說
導凡述聖非先生而誰故遣使人往彼延請
想無勞束帛賁然來思不待蒲輪去彼空谷
希能屈已佇望披雲遂
詣揚州而死年八十二

夫海水揚塵幾千年而可見

見與楊僕射書

天衣拂石幾萬歲

而應平

觀佛三昧經諸佛化作八萬佛樹師子之座今釋迦樹最短若干天衣而布其上樹敏曰樓

炭經有一大石方四十里百歲諸天來下取羅縠衣拂石盡劫猶未窮

至人者譬彼晨昏

方乎晷刻固非俗士之所能言寰中之所能量者也至

如不死之草猶稱南喬

博物志禹戮防風防風二臣恐以刃自貫其心而死禹哀之拔

其刃療以不死之草

長生之樹尚挺西崑

淮南子崑崙山有層城九重高萬一千里上有

不死樹

百紀遊龜皆登蓮葉

史記龜策傳神龜巢蓮上抱朴子千歲龜五色具焉

解人言或浮於蓮葉之上或在叢蓍之下

千齡壽鶴或舞松枝

見傳大士碑

假矣

生民何其夭脆譬彼風電

隨願往生經四大假合形如芭蕉中無有實又如電光不

得久

同諸汨沫

中阿含經譬如大雨滴泡一生一滅

石火之歎聞諸往賢

劉晝新論人之短死猶如石火炯然以過

逝水之悲嗟乎前聖

論語逝者如斯夫不舍晝

夜樵人看博信未始乎淹留

異苑昔有人乘馬山行逢岫裏有二老翁相對樗蒲

遂下馬以策拄地而觀之自謂俄頃視其馬鞭淮仙客
然已爛顧瞻其馬鞍骸枯朽既還至家無復親屬

彈琴固不移於俄頃琴書琴高以琴養性初學於羅浮山後遊四海然而子孫

皆其數世幽明錄漢永平中劉晨阮肇采藥失故道行至溪許二女迎歸食以胡麻飯求去指示之

至家已七世矣鄉黨咸為草萊是以志士名賢飄然長驚臊羶

榮利見荅周處士書歷穢風塵服冕乘軒其猶桎梏朱庭紫閣

事甚樊籠南史楊休之不樂煩職曰此官真是樊籠隱淪巖洞桓譚新論天下神人五一

曰神仙二餐餌芝髓忽矣身輕見玉臺新詠序俄然羽化訓解故事

曰道士亡金繩玉版受謁帝之符見丹陽碑龍駕霓裳處仙官

之錄

晉郭璞華山贊誰其遊之龍駕雲裳

法師蕭然道氣卓矣仙才

漢武內傳

西王母云劉徹好道然形慢神穢

千仞孤標萬頃無度

雖語之以至道殆恐非仙才也

見歐陽

所以伊川控鶴

列仙傳王喬周靈王太子晉也好吹笙作鳳鳴遊伊洛之間浮

顏碑

丘公接以上嵩高山後於山上見桓良曰告我家七

葉

月七日待我於緱氏山頭至日果乘白鶴駐山巔

縣乘鳧

風俗通孝明帝時尚書郎河東王喬遷為葉縣令喬月朔常詣臺朝明帝怪其來數而無車騎

密令太史候望言其臨至時常有雙鳧從東南飛來因候伺見鳧舉羅得一雙鳥使尚方識視乃四年所賜尚

書官履也

靈化無方道還斯在銘曰

來去三島

神仙傳海上有三神山曰蓬萊曰方丈曰瀛洲謂之三島

賓遊二童

見玉臺新

詠然香雨上擊磬雲中玉粒雖軟

見長干寺碑

金膏未鎔

天

子傳河伯示汝黃金之膏

方流道業濟彼昏蒙

頌

皇太子臨辟雍頌

有序

臣聞天大王大詳於道德之言

見勸進表

天文人文顯於爻

象之說

見易

是以大君革命黔首所以庇焉聖人創物文

籍所以生焉或由此道制為民極莫不對越上靈裁成

庶類濟世育德昭彼昆蟲皇帝世膺下武體茲上德

見勸

進表握天鏡而授河圖見丹陽碑執玉衡而運乾象見舜典皇太

子耀彼重離光茲七鬯儀天以文化成天下俱見侍中

國子祭酒新安王南史新安王伯周文帝第五子天嘉六年立為新安郡王十年為國子祭

酒頗知玄理而墮業無所通至於摘句問難往往有奇意宗室羽儀易其羽可為儀衣冠

準的後漢馬援傳為天下表的惟善為樂後漢書明帝問東平王處家何等最樂王曰為善最

樂造次必儒漢景十三王傳河間獻王德被服儒術造次必於儒者粵以十一年

三月二十一日受詔弘宣發論語題攝齊升堂見論語樞

衣即席曲禮將即席容母怍詳讓表對揚天人開闢大訓清言既吐

精義入神

見繫辭

副德爰動音辭鋒起問難泉涌

後漢馬援傳謀

若涌泉

辨紛綸之異

見與宗室書

定倫理之疑玉振鏘鏘

孟子孔子

之謂集大成集大成也者金聲而玉振之也

雲浮雨布

秩臣曰後漢樊豐傳詳覽羣言響如振玉

介王奉繫聖蹤馳辨秀出信令張禹慙其師法

漢張禹傳禹字

子文河南軹人也蕭望之奏禹經學精習有師法可試事久之試為博士詔令禹授太子論語

何晏忸

其訓詁

通考引隋經籍志魯論語吏部尚書何晏為集解梁陳之時唯鄭玄何晏立於國學

穆穆

焉洋洋焉此實虞朝之盛德生民之壯觀者也臣抑又

聞之魯頌聿興史克宣其懿

小序駉頌僖公也季孫行父請命於周而史克作是

頌

晉雍大啓王虞逞其辭

晉王虞傳虞字世將為濮陽太守元帝作鎮江左虞棄郡

過江及帝即位
虞秦中興賦

所以述休平之風揚君上之德輕以下

才敢為頌曰

皇運勃起膺圖受命紫蓋東臨黃旗南映

吳志陳紀曰
舊說黃旗紫

蓋運在
東南

積仁累德重明疊聖四海無浪

見與王
僧辯書三階已

平

黃帝泰階六符經泰階者天之三
階也三階平則陰陽和風雨時

儲駕戾止和鸞有

聲弘風講肄

北堂書鈔孔臧與
子琳書講肄書傳

崇儒肅成丹書貴道

付

紀年西伯發受
丹書於呂尚

黃金賤簞

漢韋賢傳遺子黃金
滿籬不如教子一經

洙泗興

業闕里增榮

孔子世家注伍緝之從
征記闕里背洙面泗

銘

太極殿銘 有序

夫紫蓋黃旗揚都之王氣長久

見辟雍頌

虎踞龍蟠金陵之

地體貞固

見勸進表

天居爽塏

左傳景公欲更晏子之宅曰請更諸爽塏者

大寢

尊嚴

張衡西京賦正殿路寢注周曰路寢漢曰正殿

高膺

疑作應

端門

天官書太微三光之

廷匡衛十二星藩臣中端門左右掖門門內六星諸侯其內五星五帝座

仰模營室

天官書紫宮後

六星絕漢抵營室曰閣道注正義曰營室七星天子之宮歸於有德譬彼河圖

見丹陽碑

傳我休明義同商鼎

左傳王孫滿對楚子曰昔夏之方有德也鑄鼎象物桀有昏德鼎遷

於商商紂暴虐鼎遷於周德之休明雖小重也

太極殿者法氏象亢王者之位

以尊

天官書云亢為疏廟注元命苞曰亢四星為廟廷又氏為天根注星經云氏四星為路寢聽朝所居

左平右城天子之堂為貴

初學記歷代殿名或沿或革惟魏之太極自晉以降正殿

皆因之摯虞決疑要注云其制有陞右城左平平以文磚相亞次城者為階級也九錫之禮納陞以登謂受此

陞以上殿

往朝煨燼多歷年所世道隆平宜其休復監軍鄒

子度啟稱即日忽有一大梓柱從流來泊在後渚岸

陳武

帝紀初侯景之平也太極殿被焚承聖中議欲營之獨闕一柱永定二年秋七月有樟木大十八圍長四丈五

尺流泊陶家後渚監軍鄒子度以聞詔
中書令沈衆兼起部尚書構太極殿
嵯峨容與若漢

水之仙槎

荆楚歲時記漢武帝令張騫使大夏尋河源乘槎經月而至

搖漾波濤似

新亭之龍刹

未詳

孤拔靈山允昭天貺昔梁氏承聖將圖

繕脩東虜窺江西胡犯蹕定之方中亟興師旅揆之以

日輒有災故

詩定之方中作于楚宮揆之以日作于楚室

是知秦人所止寶

漢祖而為宮

見與王僧辯書

吳都佳氣乃元皇而斯宅

晉陽秋秦時望

氣者曰東南有天子氣五百年有王者興始皇遂東遊
以厭之改金陵為秣陵孫權又改為建業至晉元帝適

逢其時

千櫨赫奕萬拱峻層

魏何晏景福殿賦櫨各落以相承樂拱夭矯而交結注

櫺檻曲短梁也藥植綠菱而動微風舒丹蓮而制流火

風俗通殿堂象東井形刻作甘泉遠望觀正殿之崢嶸

荷菱荷菱水物也所以厭火揚雄甘泉賦似函谷遙看美皇居之壯麗

紫宮之崢嶸何脩未央宮曰非信乎齊三光而示宇宙

來今日宙會萬國而朝諸侯史記夏本紀禹會諸侯爰

詳勸進表命微臣乃為銘曰

雍時相望封禪書雍旁故有吳陽武時雍東有好時皆

廢無祠故秦文公立時郊上帝諸神祠皆聚

云參差未央偃師回顧崔嵬德陽見與楊高捫太乙

僕射書雄

甘泉賦配帝居之懸圃兮象太乙之威神注太乙天神也

正睹瑤光

張衡西京賦上飛闥而仰眺正

睹瑤光與玉繩

峩峩靈柱赫赫流樟美哉宮室

孟子為宮室之美

嘉哉

令

疑作上一本作今

日玉燭寶典正月一日為元日亦云上日

御宸垂旒

禮記天子玉藻

十有二旒詳為貞陽侯書

當朝靖蹕

見傳大士碑

樂備韶夏

左傳韶箭舜樂大夏禹樂

禮兼文質

論語文質彬彬

帝旅無喧王旗斯謐

摯虞決疑要注晉制大會於太

極殿其會則五時朝服庭設金石虎賁旄頭文衣繡尾

肅肅卿士

詩召南肅肅宵征

邕邕

承弼

書同命以旦夕承弼厥辟

漢座雕屏

譙承後漢書鄭弘為太尉時舉第五倫為司空班次

在下每正朔朝見弘曲躬自早上問知其故遂聽置雲母屏風分隔其間由此為故事

周人檻櫺

城隅有勒

詩靜女其妹
俟我于城隅

殿省皆銘況復皇寢宜昭國經

方流典訓永樹天庭

揚雄甘泉賦開
天庭兮延羣神

報德寺剎下銘

昔者明王大孝感動神祇助月致景星之祥

見孝義
寺碑非

煙流慶雲之色

史記若煙非煙若雲非雲
郁紛紛蕭索輪囷是謂慶雲

然而嚴敬

之道惟事盡於配天明發之懷誠不過於饗帝

禮記祭
法注祀

天以始祖配祭義莊敬則嚴威又惟聖人為能饗帝孝
子為能饗親又祭之日明發不寐饗而致之又從而思
之

豈如以梵宮之樂資乎廟堂淨土之因

見長干
寺碑歸於

園寢雖復青雲譙郡之境

魏志文帝生於沛國譙郡時有雲氣青色而圓如車蓋常

於其上終日望氣

碧泉

疑作白水

春陵之鄉

東觀漢記光武出自長沙定王

者以爲至貴之證

定王生春陵節侯至孫孝侯改

上幼懷凝重未曾遊陟

封白水鄉因故國名曰春陵

年將志學即事登庸宣力淮潁屬有嘉夢其夢也畢陌

弘敞

後漢郡國志右扶風高帝改安陵注皇覽曰縣西北畢陌秦武王冢

橋山屈盤

帝王世紀

黃帝葬於上郡

氣象靈長風煙騰薄使

疑作便

隊雙表

續搜

陽周之橋山

神記有鶴集遼東城門華表柱

兆

其高百尋左則青

宮曰漢書音義便房藏中便坐也

龍蟠蜿右則白虎蹲踞

曲禮左青龍而右白虎

軒轅之駕譬婉婉

而多慚

漢郊祀歌上曰吾聞黃帝不亢有冢何也或對曰黃帝以仙上天羣臣葬其衣冠

吳王

之墳狀耽耽而非擬

吳錄孫堅墓上數有光如雲氣五色上屬天下蔓延數里

有人

指其地云此是國陵自爾迄永定初其間二十有餘年

至歲紀頻移崇塋乃作觀其山川形勢王相徵圖

後漢趙岐

孟子天時注謂五行旺相孤虛之屬

瞻彼高巒宛如前夢大矣哉孝弟之

至通於神明者與銘曰

壯矣金表

見傳大士碑

傍依孺垣

漢鼂錯傳內史府居太上廟塋中門東出不便錯乃

穿門南出鑿廟塋垣

高連彩霓

班固西都賦虹霓回帶乎棼楣

極睇翔鷗

疑作鯢莊子北

溟有魚其名爲鯢化而爲鳥其名爲鵬怒而飛其翼若垂天之雲鵬之徙於南溟也水擊三千里搏扶搖而上者九

梵偈宵唱

吳范陳思王植常登魚山忽聞岳岫裏有誦經聲清過深亮遠谷流響不覺飲

萬里

襟祇敬便效而則之今

雲花畫翻

未詳按崔豹古今注黃帝與蚩尤戰常有

梵唱皆植依擬所造

五色雲氣金枝玉葉止於帝上有花葩之象因而作華蓋

三心斷縛六道除怨

見與李那

書

趙夢天樂

見讓表

秦遊帝閣

張衡西京賦昔者大帝悅秦穆公而覲之響以鈞天

廣樂

王靈在上巨勝奚論

未詳

福彼羣品俱排大昏皇家七

百於萬維孫

左傳王孫滿對楚子曰成王定鼎於郊鄔卜世三十卜年七百天所命也詩於萬斯

年

塵尾銘

秦原曰漢書地理志儋耳珠崖郡山多塵麋注師古曰塵似鹿而大麋似鹿而

小塵音主

爰有妙物

繫辭神也者妙萬物而為言者也

窮茲巧制員上天形

繫辭乾為

天為平下地勢

易地勢坤

靡靡絲垂繇繇縷細入貢宜吳出

先陪楚

未詳

壁懸石拜

晉陽秋石勒偽事王浚浚遣勒塵尾勒為不執置之於壁朝拜之曰

見王公所賜如見公也

帳中玉舉

晉書王衍美貌每捉玉柄塵尾與手同色

既落天花

維摩詰經天女以天花散諸菩薩即皆墮落至大弟子便著不墮天女曰結習未盡故花著身結習盡者花不

著亦通神語

未詳

用動含默出處隨時

繫辭君子之道或出或處或默或語

揚斯雅論釋此繁疑拂靜塵暑

晉王導塵尾銘勿謂質卑御於君子拂穢清暑

虛心以俟

原曰秦嘉婦與嘉書

引飾妙辭

漢李尤塵尾銘揮成

曰今奉毛牛尾拂一枚可拂塵垢

詩左之右之

無不宜之

德柄言為訓辭

誰云質賤左右宜之

詩左之右之

哀策文

陳文帝哀策文

後漢書禮儀志太常上啓奠太祝令跪讀謚策太尉再拜稽首

治禮告事畢太尉奉謚策還詣殿端門太常

上祖奠東園武士載大行司徒却行道立車

前治禮引太尉入就位大行車西少南東面

奉策太史令奉哀策立後太常跪曰進皇帝

進太尉讀謚策藏金匱皇帝次科藏於廟太

史奉哀策葦篋詣陵司徒跪曰大駕詣舍太

史令自車南北面讀哀策掌故在後司徒跪
曰請就下位東園武士奉下車司徒跪曰請
就下房都導東園武士奉車入房司徒太史
令奉謚哀策東園武士執事下明器詳孝義
碑寺

維太康元年太歲丙戌四月丁未朔二十七日癸酉大

行皇帝崩於有覺殿

漢霍光傳行重前行前注
韋昭曰大行不反之辭也

殯於太

極之西階粵六月丙寅將遷於永寧陵禮也宮車晚出

江海恨賦宮車晚出注
宮車晚出猶云晏駕也

幄殿晨張

後漢禮儀志司徒
跪曰請就幄導登旌

帷具列

檀弓銘明旌也以死者為不可別已故以其旗
識之又曾子曰尸未設飾故帷堂小斂而徹帷

綈翽成行

雜記升正樞諸侯執綈五百人匠人執羽葆御樞檀弓顏柳曰天子龍輅而綈情

哀

子嗣皇帝諱

雜記祭稱孝子孝孫喪稱哀子哀孫

擗蜃輅於丹陛

謝朓齊敬皇后

哀策文懷蜃衛而延首注蜃車

也四輪迫地而行有似蜃因名

攀龍帷於紫庭

檀弓天子之殯

也散塗龍楯以棹注散木以周龍楯如

趨過窮於屏閑

論語鯉趨而過庭

拜慟感於明靈東京飛其瑞露

後漢明帝紀永平十七年

甘露降於甘陵按安帝記注甘陵孝德皇后之陵因以為縣

北陸實其祥星乃詔雲

臺之史

見傳大士碑

稽采咸池之曲

藥汁圖經黃帝樂曰咸池

叶大雅於

鳴金

見歐陽頤碑

同藏書於羣玉

穆天子傳穆天子西登昆侖見王母曰登已至於羣

玉之上先王
所謂策府也
其辭曰

若水傳帝

帝王世紀少昊帝名摯字青陽姬姓降居若水有聖德邑於窮桑以登帝位

熏風

御民

帝王世紀舜作五弦之琴以歌南風之詩曰南風之熏兮可以解吾民之愠兮

重光所集

崔豹古今注漢明帝為太子樂人作歌詩四章一曰日重光

世載於陳

班彪王命詩奕世載德

赫矣高祖悠哉上昊蟬聯寶胄

梁沈約曰爵位蟬聯

暉煥郊禋

見

楊僕射書

我皇誕聖膺此嘉慶

易積善之家必有餘慶

道主衢樽

淮南子聖

人之道猶中

神凝懸鏡

莊子聖人之用心也若鏡不將不迎應而不藏故勝物以無傷

衢而設尊

洛書天表河紀靈命

尚書中候堯沈璧於洛玄龜負書出背甲赤文成字止壇又沈璧於

河黑寇
出文題

納揆馳芳賓門流詠

舜典納于百揆百揆時稽序賓于四門四門穆穆

陰克伐

易高宗伐鬼方三年克之稽陰會稽山陰也

震野勤王

禹貢震澤底定南史章昭

達傳文帝為吳興太守武帝謀討王僧辯令文帝還長

城招聚兵衆以備杜龕僧辯誅後昭達因從文帝進軍

以討龕龕平又從討張彪於會稽克之杜龕傳龕為震州刺史

臺道增構

殷本紀湯始居亳從先王

居注孔安國曰契父帝營都亳湯自商丘遷焉故曰從先王居

幽風會昌

詩有幽風樹屏曰左思

蜀都賦

天帝

言瞻少昊實仗高陽

帝王世紀顓頊高陽氏生十年而佐少昊

運期而會昌

駕彼軫葛

見與王

清宮未央

見侯安

歡覃兆

登帝位

庶德洎遐荒穆齋高寢

漢宣帝紀神爵集高寢

上膳長樂

漢高祖紀五年

後九月治
長樂宮

肅肅承顏哀哀薦酌悼園恭儉

漢成太子傳
納史良娣產

子男進號曰史皇孫史皇孫子是為孝宣帝有司奏親
謚宜曰悼皇母曰悼后比諸侯王園置奉邑三百家

章陵謙約

後漢地理志章陵故春陵世祖更名

大寶崇名

繫辭聖人之
大寶曰位無

間改作纂武升厯

禮記孔悝鼎銘獻公乃命成叔纂乃祖服

遺愛實繁

左傳子產

卒仲尼出涕曰古之遺愛也仲虺之誥實繁有徒

三湘九派

水經江至潯陽分為九道詳與王僧

書 辨 沴氣雲昏

後漢五行志氣之相傷謂之沴

力折天柱才傾地門

見侯安都

碑 甘泉夜照

漢文帝紀烽火及甘泉宮

細柳朝屯

見為陳武帝書

谷魅山鬼

左傳王孫滿曰魑魅罔兩莫能逢之
泰本紀始皇曰山鬼固不過知一歲事也

鈔曰

橫流塞源

黃帝兵法云涓涓不塞將為江河詳丹陽碑

赫赫英薨赴赴雄斷徧行天討

無遺神算鬱埽江淮長驅巴漢九夷百越

書旅獒惟克商遂通道于

九夷八蠻

啓源曰漢高帝紀詔曰故衡山王吳芮從百越之兵以佐諸侯誅暴秦

雷隨風渙北

俘昆邪

漢匈奴傳昆邪王殺休屠王并將其衆降漢

西戡伊軒

後漢西域傳明帝取伊吾

廬通西域

秩臣曰漢西域傳武帝遣人使安息安息王遣使以犁靽眩人獻於漢

負荷皇極

書洪

範皇建

劬勞庶幾

後漢章帝紀孝明皇帝聖德淳茂劬勞日是注日是日昃也詩庶幾夙夜

其有極

勤民聽政盱食宵衣

書無逸文王自朝至于日中昃不遑暇食用咸和萬民左傳伍奢曰

楚君大夫其盱食乎漢鄒陽傳孝文

服貴綈皐

漢書孝

皇帝據闕入立寒心銷志不明求衣

服貴綈皐

文皇帝

身衣
弋綈

風移閭闔

漢書孝文皇帝所幸
慎夫人衣不曳地

唐山罷奏

漢禮樂志房中

祠樂高祖唐山
夫人所作也

濮水韜徽

樂記注濮上紂臣
師延靡靡之樂

訪米狂狷

孟子孔子曰不得中行
而與之必也狂狷乎

搜駁側微

堯典明明
揚側陋

世感中孚

民維大畜

見易

外戶無閉

見歐陽
頤碑

高垣美築降情儒雅

漢

帝紀詔曰朕
諮訪儒雅

凝懷庠塾

王制有虞氏養國老於上庠養
庶老於下庠學記古之教者家

有塾
御廡為歡臨雍彌肅

後漢明帝紀永平二年帝幸辟
雍初行養老禮十五年幸孔子

宅祠仲尼及七十二弟子親
御講堂命皇太子諸王說經

禮兼三代樂備九成

書益
稷蕭

韶九

天資武德地照文明墨履斯在

初學記賈子曰
天子黑方履

巾自清連珠合璧

漢律厯志日月如合璧五星如連珠

曜爽流精

左傳子產曰是

精爽獸舞時豫

書益稷夔曰於予擊石拊石百獸率舞易豫之時義大矣哉

禽歌頌

平

漢王莽傳策羣司曰赤犛頌平考聲以律

帝載維遠王靈維大占雨占風

論衡太平瑞應風不鳴條雨不破塊五日一風十日一雨

荒中海外憬彼覬譚

王制東方

曰寄南方曰象西方曰狄鞮北方曰譯

咸承冠帶

魏世家唐睢曰魏所以稱東藩受冠帶祠春秋

者以秦之彊足以為與也

是曰君臨斯為交泰

見易

白環已賁

世本西王母慕

舜之德乃獻白環反玦

玄圭克禎

見勸進表

東河佇楫

漢武帝紀元封四年幸河東祠

后土詔賜三縣及楊氏皆無出今年租賦注師古曰楊氏河東聚邑名

北狄思征

仲虺之誥南征

北狄

鉞斧將戒

王制諸侯賜弓矢然後征賜鉞鉞然後殺

璵璠未鳴

詩服其命服朱

芾斯皇有

星淫去楚日沴悲荆

左傳魯梓慎曰今茲宋鄭其饑乎歲在星紀而

滄蔥珩

淫於玄枵又楚有雲如

億兆何釁穹旻遽傾

爾雅穹蒼蒼天也又

衆赤鳥夾日以飛三日

秋為旻天

大禹胼胝

帝王世紀禹治水勞身涉勤手足胼胝故世傳禹病偏枯足不相過今巫稱禹

步是

重華胝胝

說文北方謂鳥胝曰胝按舜名重華銳曰韻書引傳曰堯如胝舜如胝

仰

惟勞務同斯違懌

書顧命王不懌

發夢無徵

文王世子文王謂武王曰汝何夢矣

武王對曰夢帝與我九齡文王曰古者謂年齡齒亦齡也我百爾九十吾與爾三馬

昭祈奚益

見

貞陽侯書

聽茂陵之鐘鼓

漢武帝紀葬茂陵古今注曰光武原陵垣四出司馬門寢殿鐘虞皆

在周 抱橋陽之劍鳥列仙傳軒轅自澤亡日與羣臣辭還葬橋山山崩棺空惟有劍鳥在

焉

詎髣髴於宸儀

潘岳悼亡詩髣髴覩爾容

終纏絲於號擗嗚呼哀

哉三占以吉

書洪範三人占則從二人之言

四海同奔列賁天宇

穀梁傳乘

馬曰 崩號帝閭

喪大記復小臣復復者朝服君以卷升東榮中屋履危北面三號捲衣投於前

司服受之降自西北榮注復招魂也屈原離騷吾令帝閭開闔兮

千門啟於閭闔

後漢張衡

西京賦注閭闔天門

萬乘警於靈輶

秦本紀始皇崩於平臺棺載輶涼車

也詳玉臺新詠序

中 槐風悲於輦道松雨思於郊原

爾雅守宮槐葉晝聶宵蚺 兆寃曰謝莊

宋宣貴妃誄鏘楚挽於

鸞旗動而虛蹕

漢霍光傳法駕駕皮軒鸞旗詳

槐風喝邊簫於松霧

傳大宿衛靜而空尊漢書霍光傳大將軍光宿衛忠正

之貴也北齊書曰後漢禮儀志云登遐嗚呼哀哉卑陌

皇后詔虎賁羽林中郎署皆嚴宿衛

平夷流山蟠固後漢光武紀帝初作壽陵令所制地不

已紀無遷市帝王世紀舜葬於蒼梧九疑唐有通樹帝

世紀堯葬於濟陰之成陽西北號為穀林經白社之修塗回青門之廣路史

邵平故秦東陵侯秦滅種瓜長安城東故世謂之東陵

碑思沛邑以東臨漢高祖紀謂沛父兄曰遊子悲故鄉

樂懷周京以西顧詩迺西顧嗚呼哀哉機神不測性

道難稱

見論語

充窮靡寄

檀弓始充充充如有窮

孺慕奚憑

檀弓有子與子

游立見孺子慕者

惟封云與禪肅遺玉牒之與金繩

漢郊祀志管仲曰黃

帝封泰山禪云亭武帝封泰山下東方其下則有玉牒書禮畢禪泰山下趾東北肅然白虎通封禪金泥銀繩

詳與陳司空書

揚英聲而永久

司馬相如封禪文蜚英聲

共日月而俱升

詩如

月之恒如日之升

嗚呼哀哉

墓志

司空章昭達墓志

周原膺膺

見詩佳氣蔥蔥

後漢書王伯阿望春陵城曰氣佳哉鬱鬱蔥蔥

王業攸

興帝圖斯盛昔光武佐命鄰縣者鄧侯

後漢書光武南陽蔡陽人鄧禹

南陽新野人

高祖元臣同郡者蕭相

漢書蕭何沛人詳與楊僕射書

台輔之

量便著綺紈

見為始興王表

瑚璉之資

見論語

無待雕琢起家為

東宮直前所奉之君則梁簡文皇帝既而黑山巨盜憑

陵上國

見與王僧辯書

白水強胡虔劉中夏

見移齊文

公棄其產業

募是驍雄思報皇儲累殲鯨寇

本傳昭達字伯通吳興武康人也性倜儻輕財

尚氣梁大同中昭達為東宮直侯景之亂昭達率鄉人援臺城

屬豳風有象

見詩

代邸方

隆見勸搜荆楚之英才

漢李陵傳陵曰臣所將屯邊者皆荆楚勇士奇才劍客也資

班輸之妙略

墨子公輸般為雲梯以攻宋墨子解帶為城以牒為械輸般九攻墨子九拒

百

樓忽起登雲霄而俯臨

後漢公孫瓚傳兵法百樓不攻

萬努齊張隨雷

霆而並震

孫臏傳馬陵道狹而旁多阻隘可伏兵乃斫大樹白而書之曰龐涓死於此樹之下龐涓

果夜至斫木下齊軍萬弩俱發涓乃自剄揚兵於九天之上

玄女九宮戰法行兵之道天地

之寶九天九地各有表裏九天之上六甲子也九地之下六癸酉也子能慎之萬全可保

決勝於千

里之中

見與楊僕射書

殪彼羣兇皆無旋踵

漢霍光傳田延年曰今日之議不得

旋踵本傳臺城陷昭達還鄉里與世祖遊因結君臣之分侯景平世祖為吳興太守昭達杖策來謁世祖委以將帥及高祖謀討王僧辯令世祖還長城招聚兵眾以備杜龕頻使昭達往京口稟承計畫僧辯誅後杜龕遣

其將杜泰來攻長城昭達因從世祖進軍吳興以討龔
龔平又從討張彪於會稽克之天嘉九年追論長城功
封欣樂縣侯二年改封邵武縣侯
侯廢帝即位改封邵陵郡公
陳寶應志懷反叛客引

周迪資其食力更事窺窬

見為貞陽侯書

公奉詔崇朝

詩曾不崇朝

飲冰將力

莊子朝受命而夕飲水

前茅後勁步驟奔馳

左傳楚人遂疾進師

車馳卒奔

乘晉軍又隨武

仍同甌閩

漢書漢五年立無諸為閩粵王王閩

中故地孝惠三年立

殄其巢窟若夫鳴蛇之洞深谷隱

搖為東海王都東甌

於蒼天

水經注漢水又東合洛谷其地有神蛇戍左右山溪多五色蛇性馴良不為毒

經鱗山多鳴蛇四翼

飛援之嶺喬木參於雲日

一統志福建延

音如磬見則大旱

平府府城南有聞猿洞

吳權曰建安記飛

猿嶺喬木造天猿猱之所飛走故曰飛猿嶺

宜越艇而

登嶠

淮南子越舠蜀艇不能無水而浮

蒙燕犀而涉江

晉庾翼與慕容

昔送此犀皮兩當鎧一領復是異物故復致之

威武紛紜

見為貞陽侯書

震山風海於

是咸俘偽帥悉據高墉

易公用射隼于高墉之上

爰泊滄溟莫不懲

父

本傳陳寶應納周迪共寇臨川又以昭達為都督討迪迪走昭達仍踰嶺討陳寶應與戰不利因據上流

為筏施拍其上水柵盡破又出兵攻其步軍方大合戰會世祖遣余孝頃出自海道適至因并力乘之遂定閩

中盡禽留異寶應以功授鎮軍將軍開府儀同三司

既而齊人無信將謀郢藩鬪

艦戈船

漢書有戈船將軍

窺江淹漢公纔聞羽檄

見歐陽頔碑

遽稟

師期馳襲荆郢應時燒蕩

本傳尋隨侯安都拒王琳乘平虜大艦中流而進先鋒發

拍中賊艦王琳平

方欲宣威隴汧大討梁華屬上將之

昭達策勳第一

韜光遲中台之掩曜

天官書斗魁帶匡六星一曰上將魁下六星兩兩相比者名曰三能

注蘇林曰

大建三年薨於軍幕

本傳大建二年征江陵時梁明帝與周軍大蓄

音三台

舟艦於青泥中昭達分遣偏將錢道戢程文季乘輕舟

襲之周又於峽下南岸築壘名安蜀城於江上橫引大

索編葦為橋以渡軍糧昭達乃命軍士為長戟施樓船

上仰割其索索斷糧絕因縱兵攻其城降之三年於軍

中病薨贈大將軍配享文帝

爾乃青鳥相墓

藝文類聚相冢書有

廟廷子大寶襲劬陵郡公

青鳥 白鶴標墳幽明錄孫鍾以種瓜為業有三少年詣

子 鍾乞瓜曰此山下善可作冢鍾隨下山

三人悉化成白鶴飛入空中即孫堅所葬地

林有逃車

左傳趙旃棄車而走林

樹同華

蓋

蜀志先主舍東南角籬上有桑樹生高五丈餘遙望幢幢如小車蓋先主少時與宗中諸兒於樹下戲言

吾必當乘此

前於熊軾

後漢輿服志公列侯安車朱班輪倚鹿較伏熊軾皐繒蓋黑幡

羽葆蓋車

右後乘龍輜

潘岳寡婦賦龍輜儼其星駕兮注畫轅為龍輜喪車也

介士發三河

之民

漢霍光傳光薨發三河卒穿復土起冢祠堂

哀鏡同駟馬之曲

博物志公卿送

夏侯嬰葬至東都門外馬不行跼地悲鳴得石椁銘曰佳城鬱鬱三千年見白石吁嗟滕公居此室乃葬之

長安傳

疑作

坐恩禮盛於西京

初學記漢初並用士人為尚書令秩二十石又

東漢與司隸校尉御史中丞皆專席坐京師號曰三獨坐也

襄陽墮淚悲慟喧於南

北見侯安都碑

河東康簡王墓志

南史河東康簡王叔獻字子恭宣帝第九子性恭謹聰敏

好學大建五年立位南徐州刺史薨贈司空謚康簡隋書冀州河東郡河東縣注舊曰蒲

坂縣置

河東郡

夫聖人至德天道福謙

見易

大哉堯舜貽慶長遠明兩之

盛易明兩作

中陽纂於泰龍

見與楊僕射及宗室書

百世之祀皇家兆

於鳴鳳

左傳楚公子棄疾帥師滅陳晉侯問於史趙曰陳其遂亡乎對曰未也臣聞盛德必百世祀又

陳公子完奔齊懿氏卜妻完其妻占之曰吉是謂鳳皇于飛和鳴鏘鏘有鵠之後將育于姜

遑青丘

於海北

漢武內傳長州一名青丘仙草靈藥甘液玉英靡所不有

應紫蓋於江南

見太

極殿銘

帝系王基重光累葉

東都賦重熙而累洽

高祖之建天柱列

聖之補地維

見侯安都碑

蕩蕩乎民無得而名焉者也

見論語

王資神昴緯

帝王世紀脩已見流星貫昴感而生禹

託曜房靈

春秋元命包姬昌蒼

帝之精位在房心

體斯孝德不由師保月生之對何用於擬議

後漢黃琬傳漢建和初正月日食京師不見黃琬為魏

郡太守以狀聞詔問所食多少瓊不能對瓊孫琬時七

歲在旁曰何不言日食之餘如月

日近之言無階於等

之初瓊大驚琬後累官光祿大夫

級楚語申叔時曰明等級

封河東王加侍中淑貌與金

以道之禮詳與李那書

燧相宜

莊子陽燧見日則然為火注陽燧鑑也

清顏與

玉壺同照

鮑昭樂府清如玉壺冰

授使持節南徐州刺史武羗旅

拒

見移文

亭障遷移

漢西域傳漢列亭障至玉門

漠草非長廣之東

書

青州東萊郡膠水縣注舊曰長廣

湖萊近荆門之北

後漢郡國志夷陵有荆門

王常

譏庾翼使白面之非才

南史沈慶之傳慶之曰陛下今欲伐國而與白面書生謀之事

何由濟

深慕曹彰歎黃鬚之為可

見為始興王表

火精不退奚應

善言

呂氏春秋宋景公時熒惑守心子韋曰君有至德之言三天必三賞君是夜熒惑退三舍

水蛭

難消徒持陰德

賈誼書楚惠王食寒菹而得蛭因遽吞之腹有疾而不能食令尹入問疾王曰

吾食菹而得蛭不行其罪是法廢而威不立也謹而誅之恐監食者皆死遂吞之令尹曰天道無親惟德是輔王有仁德疾不為傷王果疾愈薨於沙鎮時年一十有七追贈司空加

鼓吹班劬謚曰康簡至洛北占墳河南除道葭悲煙殿

之聲

後漢律歷志候氣之法室中以木為案每律各一

內庫外高從其方位加律其上以葭莩灰抑其內端按律而候之氣至者灰去其為氣所動者其灰散人及風所動者其灰聚殿中候用玉律十二惟二至乃候

劬動豐城之氣

見與李那書

豈惟晉皇寵悼重琅邪之贈官

晉書琅邪悼王煥字耀祖初繼帝弟長樂亭侯渾後封顯義亭侯及煥疾篤帝為之徹膳及下詔封為琅邪王嗣恭王後俄而薨年二歲帝悼念無已將葬以煥既封列國加以成人之禮詔立凶門柏歷備吉凶儀服營起

陵園 魏后高文制蒼舒之哀誄

魏志鄧哀王沖字蒼舒年十三疾病太祖親為請命

及亡哀甚贈騎都尉印綬黃初二年追贈謚沖曰鄧哀侯又追加號為公注魏書載策曰朕承天序享有四海並建親親以藩王室惟爾不逮斯榮且葬禮未備追悼之懷愴然攸傷太和五年加沖號曰鄧哀王

裴使君墓志

南史裴之橫字如岳少好賓游重氣俠不事產業歎曰大丈夫富貴

必作百幅被梁簡文在東宮遷直閣將軍臺城陷之橫與兄之高歸元帝位廷尉卿河東內史隨王僧辯拒侯景景退遷東徐州刺史封豫寧侯又隨僧辯破景景東奔僧辯命之橫與杜崩入守臺城魏克江陵齊遣上黨王高渙挾貞陽侯明攻東關晉安王承制以之橫為徐州刺史都督衆軍出守蘄城之橫營壘未周而齊軍大至兵盡矢窮遂於陣歿贈

司空謚

曰壯

君五音之候兼其方牧

疑作技抱朴子黃帝審攻戰則納五音之策

八陣之

圖窮其巧變

晉桓溫傳諸葛亮造八陣圖於魚復平沙上溫見之曰此常山蛇勢也

用能

戰必勝攻必取督稱無難兵號解煩

吳志宗室傳孫皎弟儀為無難督

樹屏曰胡綜傳權使綜料諸縣得六千人立解煩兩部

朝飛火箭夜聳雲梯

史記公輸

班作陵雲之梯以攻宋城

燧象從奔

左傳鍼尹固與王同舟王使執燧象以奔吳師

聯狼已

合

未詳按戰國策秦惠王謂寒泉子曰諸侯之不可一猶連雞之不能俱上於棲也

於是嚴顏

不撓極哈諸戎

蜀志張飛生獲巴郡太守嚴顏顏曰我州但有斷頭將軍無降將軍也

德高聲肆言羣逆

魏志龐德為關羽所得立而不跪罵曰我寧為國家鬼不為賊將也遂為

羽所殺

胡夷總至猶持子路之纓

左傳蒯賁攻出公劫孔悝以登臺子路曰太子

無勇若燔臺半必舍孔叔太子聞之懼下石乞孟賁敵子路以戈擊之斷纓子路曰君子死冠不免結纓而死

鋒刃相交終荷溫生之節

後漢書溫序遷護羌校尉行部至襄武為隗囂別將苟宇

所拘劫序素有氣力大怒叱宇等曰虜何敢迫脅漢將因以節撻殺數人宇曰此義士死節可賜以劍序受劍銜鬚於口顧左右曰既為賊所迫殺無令鬚汙血遂伏劍而死

每以財輕策籜義重嵩

衡割宅字貧友之孤

孔叢子邱成子自魯聘晉過於衛右宰殺臣止而觴之行三十里而

聞衛亂殺臣死之成子迎其妻子隔宅而居之

開門延故人之殯

見論語

篤好朋

遊居常滿席每至鮮雲藹藹披王安之衣

未詳

明月團團

似班姬之扇

班婕妤怨歌行新製齊紈素鮮潔如霜雪裁為合歡扇團團似明月

日帶花

以如笑

樹敏曰劉畫新論春葩含日似笑

風鳴條而若歌傍列絲桐對

揚文酒一石之後逾能斷獄

漢書于定國飲酒至數石不亂治獄益精明

五

斗之量猶未解醒

世說劉伶跪而祝曰天生劉伶以酒為名一飲一石五斗解醒

嗟乎

潘岳之詩致哀周密

文選注晉惠帝元康六年氏賊齊萬年與楊茂陷關中既定帝命諸

臣作關中詩潘岳詩

曰周狗師令身膏氏斧人之云

貞節克舉按周處別

傳氏賊齊萬年為亂處仰天歎曰

我為大臣以身殉國

莊公之誅用愍相遺

檀弓魯莊公及宋人戰于

不亦可乎遂戰死

乘丘縣賁父御卜國為右馬驚敗績公隊佐車授綏公
曰末之卜也縣賁父曰他日不敗績而今敗績是無勇
也遂死之國人浴馬有流矢在白肉公曰非其罪也遂誅之

補

南史顏延之傳釋慧琳上每
引見常升獨榻傳大士碑

高僧傳慧受夢青龍從南方來化為刹柱受至
新亭江見一長木隨流來因立為刹
太極殿銘

徐孝穆集卷五

謹案卷五第二頁後四行儻佉之化猶遠刊本儻
訛儻注又訛儻據字書改

第六頁前二行冒霜停雪刊本冒訛置據文選吳
都賦改

第十三頁後一行夷羊在牧刊本在訛有據叢書
本改

第二十二頁後一行側席幽人刊本席訛夕據北
史徐則傳改

第二十三頁前七行劉晝新論刊本晝訛總蓋沿
傳刻之誤今據葉向高百子類函題辭改


第二十四頁前五行帝怪其來數刊本數訛朔據
應劭風俗通改

第二十四頁前六行使尚方識視刊本脫視字據
風俗通增

第三十五頁後一行日月如合璧五星如連珠刊
本訛作日月如連珠五星如合璧據漢書改

第三十九頁前五行仍同甌閩刊本甌訛甄據漢
書改

第三十九頁後六行水柵盡破刊本作壞其水柵
據陳書章昭達傳改



總校官庶吉士臣侍朝

校對官庶吉士臣徐立綱

謄錄監生臣范櫪